

甘肅全省新通志

卷
柒拾貳

甘肅新通志卷之七十二

甯夏府

元朵兒只班爲中興路元帥順帝十五年倪文俊擊破其軍只班不屈死之

明徐勝洪武時監督勇敢善戰五年從徐國公征沙漠收捕梅花等鎮強寇有功二十一年征雲南蠻歿於陣廕一子

王俶甯夏人陝西都指揮鎮守甯夏永樂辛卯與賊戰於河西被創死同時有指揮諸鼎千戶沈傑亦戰歿

許融甯夏人都指揮守備靈州天順間追寇至河套鹿泉融乃據險掣全軍回力戰射死酋長數人又斃酋子三人力盡自刎敵憤甚剗其肉煮其骨以灌駝

劉英都指揮王理指揮王泰都指揮俱甯夏人成化初英在定邊

甘肅新通志

卷七十二

人物志 忠節二

一

營與虜戰死理在鴨兒巷與虜戰死宏治閒泰在河東領兵與賊戰死

王震甯夏人指揮成化四年石城滿四作亂與鎮人蘇諒同領軍戰死

趙璽甯夏人指揮宏治六年與賊戰靈武口廟山墩下遇害

姜漢甯夏人宏治中嗣世職爲本衛指揮使御史胡希顏薦其才勇充延綏營游擊將軍十八年春寇犯甯夏興武營漢率所部馳援遇於中河墩擊敗之賜敕獎勞正德四年擢署都督僉事充總兵官鎮甯夏馭軍嚴整得將士心甫數月而安化王寘鐸謀逆置酒召漢及巡撫安惟學等宴酒半酣其黨何錦等率衆入卽座上執漢漢奮起怒罵遂遇害子爽逃免賊平訟於朝詔賜祭葬有司爲立廟春秋祀之

李 睿甯夏人都指揮真鐮之變憤罵不屈爲亂軍所害事聞賜祭廕

楊 忠中衛人官甯夏都司逆鐮變叛并擁衆入行臺殺巡撫安惟學忠執杖擊賊爲賊所執罵愈烈賊怒碎其尸於都堂事聞賜祭襲廕

張 欽甯夏人右衛百戶真鐮之變欽不肯臣逆自縊於演武場事聞廕子表門

成 賢甯夏人膽勇出衆嘉靖十三年套騎四萬餘入寇賢從總兵王効爲前鋒率八百騎迎於秦壩力戰移日賢獨當一面虜被傷者衆因併力攻之遂死事聞廕子梁爲都指揮同時指揮呂仲良劉勳王濬與賢俱歿於陣

楊 璘甯夏人指揮爲神木參將與賊血戰而亡

甘肅新通志

卷七十一

人物志 忠節二

一一

戚 文甯夏人指揮驍勇素著虜畏之不敢近邊猾者以計誘之出伏兵邀截文遂力戰死

潘 剛左屯衛千戶嘉靖三十六年防堵裴家渡遇賊戰亡

陳 垕甯夏人嘉靖三十八年領兵入衛至蔚州甕城驛戰亡同時指揮張策陳勳皆歿於陣

呂 綸甯夏人百戶嘉靖三十八年紅山堡遇賊戰亡

李 恩甯夏人千戶嘉靖三十八年廣武營高廟兒遇賊戰亡

魏信朱鼎俱都指揮陳忠李恭曹宗堯俱指揮李賢徐紀劉鎮王清徐相邵真張坦鄭國楊臣沈傑俱千戶周臣史書王邦魏昂湯雲楊舉王通劉樞朱賢白清秦仲賢俱百戶均係甯夏人俱出征陣亡

韓 選甯夏人都指揮嘉靖三十八年敵由橫城入選以千總從

總兵姜應熊出禦奮勇堵截自卯至酉力竭而死爲賊碎尸靈州卒賴以不失事聞贈卹建祠致祭

李承恩甯夏人原任守備萬曆二十年謀擒哱劉機洩被執不屈爲賊所殺其子佩見父死卽渡河請兵欲報父仇被縛挺立罵不絕聲爲賊磔死又陳漢甯夏人百戶撫標供給官賊忌之與承恩同日見殺

安宗學甯夏總旗賊索總兵符印旗牌宗學不屈被執殺之

陳棟甯夏人原任游擊以驍勇聞萬曆二十年哱劉之叛與原任守備朱綬謀擒賊事洩賊殺棟縛綬於北樓殺之

李時甯夏人指揮萬曆三十二年領兵入衛行至浮圖峪遇賊血戰一日殺敵頗多碑屍而亡虜自是不敢入犯以捍禦功建祠祀之時鎮人同死者指揮張第江崑百戶楊汝松周時

甘肅新通志

卷七十一

人物志 忠節二

三

王徹甯夏把總曾揭哱拜父子青海侵冒錢糧不法事於經略至是謀賊不密哱拜以恨殺之

李金甯夏人謀刺許朝事覺父子俱戮

張沛甯夏人指揮與百戶施威皆以謀殲賊而死

呂擢甯夏百戶赴鎮河灘驅哱賊牛馬仍運塞草以供征兵賊縛至鎮殺之

李沛甯夏人應襲謀殲賊被執罵賊極烈爲賊所害

王極中衛指揮領兵追哱拜至古場兒被殺賜卹

錢柏中衛人哱拜亂於中衛奮勇堵戰被殺賜卹

張世傑甯夏百戶屢報賊情於王師且輸供芻草賊執去鞭撻無完膚死

蔣三重甯夏人謀殺僞把總雷鳴機泄被執不屈罵賊裂眦而死

施 威甯夏百戶守李剛堡偵賊動定報平鹵將官仍約弟男內
外同謀除賊賊執而殺之

姜應奎甯夏人同宗子謀獻東城於官軍且約刺賊賊拘諸宗子
遍受箠楚獨支解應奎時陳文通孟舉張大勳亦會議獻城賊俱
殺之

納 賦甯夏生員與其姪指揮納舟從廣武渡官兵許朝執賦並
其子楫族人納坤納稅納福納書等殺於市罄其家

高 蓋甯夏健丁追賊入北門內蓋無後繼遂爲賊所轡

陳 縉甯夏人常信堡官殺賊黨三人賊執至鎮支解之妻梅氏
自縊死

張伏三甯夏常信堡民堡官陳縉恨賊黨張堡等逼取民間牛車
芻米豬羊鷺鴨爲害殺堡賊誘縉出城縛去伏三與堡民張大經

甘肅新通志

卷七十一

人物志 忠節二

四

胡希禹李現潘奉謝邦林等追救縉賊伏突起執伏三等六人同
縉支解

孫九齡甯夏人賊邀入黨不從斷其手膊仍梟之

趙承先甯夏人指揮與鎮人指揮戚卿張佩等同謀獻西城納官
軍策就密報西營將領以城中火起爲號至期城外杳然乃遣武
生張遐齡縋城下往促兵賊覺分布緝捕同謀死者趙承先戚卿
張佩而外爲武生陳松童生李友桂郭自謙鎮民陳九敘軍丁賀
謀等皆死之

任天慶慶陽人流寓甯夏與妻議製鐵杵擊賊與應襲張應奎謀
鄰婦包氏與張有隙密報許朝執二人至詰之應奎不服天慶厲
聲曰賊奴不必問與他不相干是我恨爾賊奴背反朝廷欲早殺
爾朝怒縛天慶遊市斬首竿之城頭碎其屍

王繼哲甯夏人恃勇設誓擒賊賊執禁古廟殺之
張 龍甯夏人掣船東岸以絕賊渡又擒賊黨解靈州梟示賊恨
捕龍至鎮斬之

王琦陳漢俱甯夏人琦奉軍門令易糗糧賊緝獲陵遲死漢任百
戶撫軍門下供應官賊忌殺之

史 敬甯夏人元相天澤之裔由山東籍官甯夏都司遂家焉以
軍功世襲都指揮使歷任甯夏中路副總兵崇禎六年插虜犯邊
與總兵官賀虎臣皆力戰死之優卹贈都督諡忠烈入甯夏忠孝
祠

杜 祥甯夏人爲吏識賊掠諸堡祥具稟平鹵營將官防禦賊失
利加祥劓刑鬻其肉以飼犬

瞿 桂甯夏人其族百戶瞿坊管魏信堡擒殺許朝族丁朝因拘

甘肅新通志

卷七十一

人物志 忠節二

五

桂與瞿相瞿樞瞿棟瞿材瞿東瞿尙禮瞿尙義八人盡殺之

白葵王天直甯夏人始謀獻城賊執殺之

張直王承德王懋德王嗣德俱甯夏人同約獻西城西營失應被
執直與承德罵不絕口至死猶以不早殺賊切齒忿恨死

王朝王宰楊仁俱甯夏人偵賊動定報平羅將官賊執至北樓殺
之

張大綱張某俱甯夏人其始謀獻城被囚逸出賊復撲殺之

王訓錢益姚錦姚選郭南吳朝棟王應登姚希安王檣周俱甯夏
人始謀獻城被許朝執殺之

賈謨卑廷臣任甲王元高敏劉一元鍾達張友智談守用劉應奎
蔣忠梁朝簡龍氣張倉李孜楊羔宿劉侯顧朝相王大用岳達子
陳谷王德劉伏周尙禮岳火力赤王虎刺亥皆甯夏軍丁謀獻西

城事泄悉被慘殺周阿都赤周虎壩暗寫匿帖箭射出城賊覺箠楚八十監殺之

王洪趙什一董計石阿孫王阿多謝友貴俱甯夏人與戚親合謀獻城一時被殺以上官軍士民俱奉敕旌表建祠曰顯忠

張祥石地哇徐秀鄭天玉王詔繆莊哇胡受哇徐敢哇徐梅徐九九徐漢張文選張黃哇張雨哇石春哇石蠻哇干香徐冒徐九元田六六石良石地哇鄭當哇劉蹉哇杜成和陳五斤張恩張六指劉邦正韓壚兒徐暑哇許田哇胡剛李喜哇張李哇許德石孫哇張喜哇李五哇張保哇李果張倉哇徐邦奇徐邦彥三兒徐彥學吳應祺陳文選方端陳召哇蔡凱徐牛哇劉惟淮劉雪哇李元雷廷甫李景洛徐蟲哇徐常哇車喜喜何進進劉八哇劉敢哇劉八八胡舍娃常韋李孝張馬住陳孝兒胡羊哇王早兒邵卷哇邵七

哇石打城徐棟陳華陳付楊七哇張召哇劉地哇陳玉江其石張公保劉外家保俱甯夏人逆賊遣兵屠堡祥等被殺者八十四名奉敕旌表建祠春秋致祭

李世松靈州人性忠直善左右射耕於晏湖墩側插漢入世松率衆拒賊衆寡不敵人悉奔松獨守墩上以矢射賊中者輒斃賊恨甚攻圍益力凡兩日夜松左右大指皆裂見骨被七創死

史開先勳之子宫靈州參將長於將略崇禎七年套虜數萬犯邊開先馳報甯夏巡撫及總兵收集城外居民牲畜入城深溝高壘以待固靖甘涼之兵賀虎臣自甯來靈欲引兵拒戰開先切諫不聽歸謂其長子曰我家世受國恩豈敢畏死此役也我必不復生還矣遂引兵先驅虎臣亦出遇賊於大沙井灘賊圍虎臣四面不能拔開先僕史進才以急告開先策馬沖入重圍與賊力戰殺數

百人外無援圍益逼遂遇害進才殉焉虎臣亦死時官軍死者七千餘人枕尸遍野不可別識開先少爲馬撞落二齒以銀鑲之家入以此爲識僅得首以歸葬事聞追贈右都督諡忠烈

耿光榮甯夏人世指揮任玉泉營游擊插漢人犯奮勇出禦與指揮趙有牧千總周崇雅把總唐國俊許城王朝俱歿於陣皆賜卹典

江孔學靈州人居胡家堡插酋之變賊圍堡孔學登城罵賊城陷孔學自刎闔家俱罹於難

解文英甯夏人以副將守延安府李自成據關中遣兵至延安文英率衆死守及城破賊授以官文英罵不絕口囚於獄又於獄中約榆林總兵尤世威等舉義圖恢復賊怒支解之

呂之蔭甯夏貢生授正定通判委攝獲鹿縣篆未旬日寇臨城下

甘肅新通志

卷七十一

人物志 忠節二

七

蔭率士民堅守七晝夜城破被執罵不絕口死妻劉氏妾張氏偕幼子二人及其奴僕俱殉難蔭受刃亂軍中不辨其骸事定與城中被殺者作二大冢別男女而封之敕建祠致祭

王風水甯夏人賊將牛成虎入甯夏風水與指揮彭凌雲等十三人糾合山後蒙古舉義事洩賊磔風水於市凌雲等皆被殺生員保國璧死尤慘酷

李學牧甯夏人指揮賊將牛成龍知其技勇授以官不應與王風水謀舉義單騎往召河東人圖恢復賊防之嚴不得出或勸之亡去學牧曰賊索我亟必殘殺無辜我一身當之以解衆難遂復人城賊露刃擁之學牧具冠帶北向再拜端坐受刃

鄧德甯夏人官百戶逆闖檄至甯夏諸宗屬及紳士集慶府議降德排闥入灑淚申大義曰諸公皆欲賣城自全獨不爲王計乎

後與王風水等舉義欲誅僞官陳之龍賊將牛成虎謀洩被執挺身仰面受刃厲聲曰吾死當爲神盡殺賣國臣遂遇害

馬獻圖字興之甯夏總兵馬世龍子以廕補指揮同知李自成據關中勒降不屈械繫軍中至山西侯馬驛殺之弟負圖呈圖俱襲指揮自成遣僞將牛成虎陷甯夏負圖兄弟約表兄彭姓者圖恢復事洩同被害於靈州兄弟殉節人稱馬氏三忠獻圖死時年三十三負圖年十九呈圖年十六

丁孔應甯夏人以世指揮授北川守備陞游擊闖逆變孔應守義不屈賊擁戈逼之孔應厲聲曰吾頭可斷身不可屈遂遇害
雍 締中衛人以歲貢任四川仁懷知縣張獻忠入蜀締率百姓死守城破闔家自焚死先是宣和堡歲饑人日逃散締傾貲全活之

甘肅新通志

卷七十一

人物志 忠節二

八

蔡應昌興武所千戶任花馬營千總明末羅凸土賊搶掠應昌統兵討賊自卯至酉力盡血戰而死

鄭感民後衛舉人任遼東甯遠州推官總制洪承疇稱其臨機決策措置有方擢爲遼東監軍道後城破合家死難

韓嘉爵甯夏人平虜中軍指揮有勇略臨陣直前手刃數十人爲賊支解

孫祚昌中衛鳴沙堡生員明末寇入堡欲降之祚昌怒罵拔刀自刎賊碎其屍去

黃儒煥中衛永康堡生員明末香山賊攻陷永康堡人皆順從煥獨挺立不屈危言抗賊賊加桎梏絕其飲食殞

李維新一作維興中衛威武堡人業商慷慨多大略明末賊朱國端等嘯聚螺山出歿峽口楊柳泉劫殺行旅廣武游擊某奉檄征剿至

威武聞維新名委令領民兵入山合剿既遇賊維新奮勇獨戰殺賊無數以衆寡不敵歿於陣遺子淋幼妻張氏少後守節撫孤成立

包永成後衛人庠生弟永明亦庠生明末賊破惠安堡聞永成兄弟有技勇欲挾之去不屈爲賊所殺

吳繼綬甯夏人承襲都指揮僞總兵牛成虎據甯夏肆殺戮繼綬憤之倡義殺賊圖恢復事洩爲賊所害

韓建極甯夏人延綏守戎闖賊之變殉難三台山

杜宏採甯夏人以庠生盡節敕賜翰林院五經博士旌表蔭子入監

杜宏基由選貢任黔陽知縣欽取河南道御史於湖南靖州殉難杜文煒由廕生任山西汾州同知盡節贈按察司參議

甘肅新通志

卷七十二

人物志 忠節二

九

杜 福 歷官山東平山營參將戰歿贈驃騎將軍蔭一子

唐之英慶府宜賓甯夏雷福堡農家子性聰慧美容止讀書過目不忘慶王獵於北野遇之塗奇其狀貌問其年甫十一問其姓氏應答如流載歸藩府年十六納爲宜賓崇禎十七年閩莊烈帝殉社稷遂號哭絕粟三日仍自經於慶府

張伏弩甯夏人千戶總旗常山窩堵賊陣亡蔭子拱宸

李 彩中衛人官古水營守備以李自成亂糾衆練兵香山爲自固計後死節於平涼弟彪亦累官至天津總兵李自成入燕自刎於鎮

國朝吳 綉甯夏人以千總隨總兵陳福出征臨陣先登死於固原城下子繼統襲其職每臨陣亦奮勇爭先相繼陣亡

劉進孝總兵體義次子官千總康熙三十五年隨總兵殷化行征

噶爾旦同中營遊擊陳維屏守甕金陣亡

司九經字聖典甯夏人從征川雲又從征出塞俱有功績歷任宣化總兵罷職歸康熙五十七年隨征効力遇敵陣亡

李榮李棟俱甯夏人榮功加守備從征西藏歿於陣棟福建撫標候補守備值耿逆變盡節

羅萬倉甯夏人歷任臺灣參將朱一貴之亂總兵歐陽凱死府治陷萬倉鼓舞將士堅守賊攻北路連發大礮擊仆賊旂賊四面圍困萬倉突圍力戰兵孤無援踰溝墜馬賊以竹篙槍戳其喉猶揮刀殺賊而死妻蔣氏先令家人抱子逃匿自率兵守城城陷縊而死後寇滅論功 賜夫忠婦節字世襲三代雲騎尉雍正初又加恩授恩騎尉

杜呈源甯夏人隨陳福克復定邊以功任本鎮右營千總後隨征

甘肅新通志

卷七十一

人物志 忠節二

十

川雲屢立戰功陣亡於建昌奉 旨入京師忠烈祠雍正元年入甯夏忠義祠

馮 琇甯夏人官固原參將隨征準噶爾至木魯烏素地方與賊戰爭先殺賊歿於陣

許世隆甯夏人官永固城參將進剿至巴爾庫爾歿於陣

馬秉倫字統文甯夏人際伯四子仁厚和雅由武舉累官雲南烏蒙鎮游擊雍正七年苗變城壘未完秉倫爭先出禦賊數萬犯城衆寡不敵遂遇害事平 賜祭葬廕一子崇祀昭忠祠

高鳴謙高撫謙甯夏人鳴謙貴州提標守備雍正八年征烏蒙陣亡廕一子撫謙由行伍進藏有功議敘加副將歷任雲南營守備雍正十年征烏蒙陣亡廕一子

袁夢麟甯夏人雍正癸丑進士陞雲南楚姚鎮右營遊擊乾隆三

十三年進剿雲南蠻巴二龍山陣亡

葉應春甯夏人官花馬池營把總進剿烏什有功後遇敵陣亡

賜葬廕一子

趙 鉞甯夏人雍正壬子武舉官四川成都守備乾隆三十三年

金川陣亡廕一子子廷璧乾隆四十二年西路陣亡

楊清丁吉士俱甯夏人清千總吉士經制外委俱乾隆三十三年

金川陣亡清廕一子

金富國紀安國俱外委周延恆把總杜斌外委俱甯夏人富國安

國延恆乾隆三十三年西路陣亡斌三十四年西路陣亡

馬國樑甯夏人乾隆三十八年進剿金川勇敢善戰所向有功

特賜副將孔雀翎後歿於陣廕一子

李殿雄甯夏人乾隆三十八年金川陣亡廕一子

甘肅新通志

卷七十一

人物志 忠節二

十一

朱紫千總王肇基杜士英俱把總王大成外委俱乾隆三十八年

金川陣亡

陳世寶千總鄒孟華把總李聯元汪路教俱外委俱乾隆三十九

年金川陣亡

趙興基姚進功馬廷傑柳若椿夏仁陸純乾俱把總李鍾秀金祚

虎孫俊英張積功岳正王錫章王萬祿王經李玉俱外委俱乾隆

四十年金川陣亡

畢慶雲甯夏人候選縣丞同治元年逆回馬化澂反據金積堡慶

雲偕胞弟監生騰雲辦團練累出擊賊賊忌之二年十月二十四

日夜內奸啟關迎外賊入城陷慶雲急與弟騰雲率團勇鏖戰踰

時力竭被執俱死同時殉難者慶雲堂兄候選府經歷步雲又步

雲子候選從九長年姪庚年佳年書年有年姪孫煊及文生李成

林張玉樹張玉祺等皆死之步雲母周氏及婦孺等均自焚死事
聞旌卹如例

馬賓陽甯夏人候選教諭同治初回變甯夏道侯雲登檄總團防
是年冬回圍靈州賓陽馳援圍立解二年十月二十四日夜奸回
勾外賊入城陷賓陽偕胞姪丙文丙德率勇巷戰皆死之妻柴氏
亦自焚事 聞旌卹如例

江太平李進陞俱甯夏人太平由雲騎尉署廣武營遊擊同治二
年逆回撲廣武督兵出勦深入賊陣殺賊數十人力竭陣亡進陞
英銳敢戰襲恩騎尉世職二年陝回蹂躪鹽固逕攻勝金關進陞
奉檄守隘屢挫賊鋒嗣賊另股虜至進陞奮勇鏖戰多所殺傷卒
歿於陣事 聞並優卹如例

王達權甯夏人鎮標前營把總同治二年十月賊圍郡城達權督

甘肅新通志

卷七十一

人物志 忠節二

十一

所部登陴守與其子廩生之鼎涕泣誓同死二十四日夜城陷達
權偕之鼎集民兵巷戰逾兩時賊虜集達權死於陣之鼎見父被
殺躍而前忽礮子洞股創重被執曳之行厲聲大罵賊忿攢刃之
同祖姪敬聞變奔援並被害妻梁氏弟婦宋氏唐氏繼媳陳氏姪
婦陳氏羅氏女蓮生孫媳李氏次孫媳霍氏孫女四姐幼孫三奇
娃等皆自焚死事 聞均議卹如例

舉人張際昌歲貢翰林院待詔銜蔡爲箴廩生蔡奇諫廩生蔡奇
德廩生張培廩生王贊元增生任坦增生王振聲監生蔡之瑗署
平羌堡把總李滋芳李滋雨趙潤張建功蔣世恩姜璽李鳳翔陸
安平俱甯夏人均城陷殉難

李福培甯夏人由世職出兵陝西陣亡事 聞議卹雲騎尉

劉致福甯夏人在玉泉營陣亡事 聞議卹雲騎尉

張 賓甯夏人經制在橫城陣亡事 聞議卹給恩騎尉

趙 順甯夏人官把總出征陣亡事 聞議卹給恩騎尉

王 印甯夏人在清水陣亡事 聞議卹給恩騎尉

陸安定甯夏人殉難事 聞議卹給恩騎尉

署廣武營遊擊羌大平失城殉難固原中營守備李清出兵陣亡

把總張成和經制羅如蕙拔貢蔡爲範柴鈺黃敷榮貢生蕭敏生

劉廷瑞汪思源王以德趙邦甸姬敬修楊樂春周鳳鳴王大泰萬

鈞陳彭齡崔承誥張瑛廩生姜治吳雲漢劉卓蕭文治杜如桂白

珩張自立楊懋勳文生姬尙德王鉞羅坦李杜楊厚管熙齡管遐

齡張際泰吳大夏陳生華柴鐸趙康履徐承恩趙中履王鶴年趙

進履王京王澐王嘉堂范式中白生彩王廷元朱尙質柴鑑魏澐

羌兆櫺楊永和張家瑞李東陽魏德溥栗芾陸鐸趙階平王大佐

甘肅新通志

卷七十一

人物志 忠節二

十二

王大秀馬煥章萬邦慶張文翼王大修王恩時王良貴李連王宗

如王嘉賓姬由禮姬循禮王觀王巽王嘉如胡琳從九簡以敬韋

鎬童文炳孫長齡謝範呂光第王大豫祁象臨田鎬馬維祺張延

年田泌張連勳施煌王景祿簡潤黃文翰官醫王永和王大權王

愨王恕康致和俱甯夏人均回亂殉難

鄭 普甯夏人回亂率團保護洪廣營戰賊營外陣亡

楊 庫甯夏人回聚禮拜寺謀叛庫家鄰寺聞之入寺爲陳順逆

意欲止亂爲賊所殺

李 廉甯夏附生精醫術活人甚多城陷被戕

王大秀甯夏武生弓馬熟習帶團勦賊奮勇城陷陣亡

劉孝劉忠甯夏人家殷實回亂招勇數百在通貴洪廣殺賊頗多

城陷全家殉難焉

王 宣甯夏人回叛奉縣令檄團鄉人爲兵在洪廣營殺賊陣亡
周 鏞甯夏人官固原城守營守備在川楚陣亡
杜 縱甯夏人官平羅把總在蘭州華林山陣亡
武 孝甯夏人官右營把總在江南陣亡
李鍾秀甯夏人官榆林把總陣亡旋蒙議卹雲騎尉襲次完時給
予 恩騎尉罔替
戴萬福甯夏人勦賊同子倉被賊戕
陸玉麒甯夏人被賊擄俾作鄉導堅不從賊縛樹上斷肢體而亡
田仲元甯夏人爲邑戶書從知縣長謙赴頭聞禦賊官軍不利仲
元恐賊得火藥燃藥自焚死
周登第甯夏人爲團首勦賊被執賊刺死
曹登榜甯夏人帶團勇數百堵賊力竭陣亡

甘肅新通志

卷七十一

人物志 忠節二

十四

邢誥虞甯夏人廩生城破被執唾罵賊怒戕之
吳 彭甯夏人貢生賊圍城急同邱鳳巢請兵行至劉家廟遇賊
死之
李 和甯夏人爲團勇守火藥賊奪輜重恐藥爲賊獲遂燃藥自
焚死
劉承沖甯夏人官洪廣營把總帶勇禦賊衝陣中礮而亡
朱士通甯夏人官洪廣營把總回匪圍平城率衆衝鋒力竭被執
身亡
張進昌甯夏人管帶甘軍正後營歿於陣
萬 倉甯夏人官靈州營經制城陷與賊迎戰力竭陣亡
張 寶甯夏人署洪城營都司在本汛陣亡
陳 桃甯朔人陝回入境肆掠桃糾衆欲奪回所擄牲畜賊大至

衆潰桃挺身獨戰殺賊數名創重身死

王野驢甯朔人率勇二百餘與回首俞辛酉戰於滿營南郭衆寡不敵單騎衝鋒刺賊數人中創死

鄒芳甯朔人回亂攜眷到山中賊將入山芳隻身持矛禦賊關口衆民賴以遠逃創重死

侯果甯朔人郡城陷率勇二百餘夜襲城回覺亂石擊斃

徐早甯朔人與回戰大廟路側衆寡不敵被賊刺死

鄒玉美甯朔人時滿營兵弁出師勦逆回駐營宋澄堡新橋賊圍之玉美率衆救援被傷死

王位甯朔人回匪圍洪廣營夜縋城縱火賊營被殺

李鴻治甯朔人回變率團勇數十堵禦河邊衆民得安賊履冰夜渡劫營衆潰鴻治單戈獨戰死子長久武生四年梁總兵防守勝

甘肅新通志

卷七十一

人物志 忠節二

十五

金關調長久並弟長壽長彩帶團勦賊衆寡不敵殺賊多名皆陣亡

張潔甯朔人在勝金關防禦爲賊所擒罵不絕口被殺

盧山甯朔人同治四年回亂巡河被擒大罵賊怒縛樹下刺死

賀登甲甯朔人年七十六歲殉難死

張垣甯朔人耆民暨族人張錫壽張浩婦王氏年皆六十餘鄭氏田氏裴氏陳氏陸氏雷氏女太平姐安平姐雙寶姐共二十餘

人咸殉義死

麥聯第甯朔人口外換防官克什哈爾都司陣亡

麥有年甯朔人由世職口外換防官英吉沙爾守備陣亡

鄭萬金甯朔人官洪廣營把總在湖北陣亡

李來鳳平羅人由武舉隸鎮標署惠安堡把總同治初回變來鳳

移居北口外時平民出口者衆來鳳率衆團練教以戰守二年平羅被圍來鳳率所練勇馳援斬逆首百餘級城賴以全八年寇復熾衆漸散來鳳知力不敵挈眷及村人伏炭井中賊偵知於正月初八日積薪井口雜毒草蕪之來鳳暈絕爲賊獲俄而復蘇賊愛其材脅之降來鳳大罵賊怒殺之合并燻死者三十餘人事聞均議卹如例

邵德順靈州人充靈州營騎卒同治二年十月賊陷靈州德順守東門持挺力禦左右橫擊賊破額者纍纍未幾西南北之門皆陷賊至集德順隻身無援力竭歿於陣傅殿甲湯憲亦靈州人均充營兵派守火藥局城陷賊赴局取火藥殿甲與憲奮力堵擊賊并殺之

李 綽號詞垣靈州人道光戊子舉人授陝西宜川縣訓導致仕

甘肅新通志

卷七十一

人物志 忠節二

十六

歸授徒講學如張煦張雋選皆出其門同治二年城陷綽率二子庠生鏡藻鏡蘇欲自焚回酋馬化鳳慕綽名逼令降綽大罵不絕遂與二子同遇害

武 濂字蓮航靈州歲貢咸豐十年官鞏昌府學訓導與諸生講性理學從服者衆同治元年狄河回叛鞏郡戒嚴濂協辦城防五年鞏郡大饑官民皆乏食濂日僅一餐賊至猶忍飢登陴八月二十一日夜賊潛襲登城濂子某聞城陷勸濂出避濂斥之遂拂袖起子涕泣不忍去賊至被戕濂妻亦死賊窮搽濂至 崇聖祠已縊於柱

萬 義中衛人勇敢多膂力從軍充隊長順治三年設防沙泉時山寇蜂屯沙泉當其衝賊每搶掠官軍畏怯不敢與敵義獨率健兒時出巡哨遇賊劫殺運糧夫牛義奮不顧身直前搏賊賊退躡

其後追殺無數奪回民夫牛馬若干賊被大創義亦身受重傷亡然自是山賊不復至沙泉行劫矣西路同知張羽翀表其門

羅全亮中衛人生有勇略由涼州守備出征川楚有功擢西安參將後任甯陝鎮游擊因甯陝兵變歿於陣蒙 恩賜卹世襲雲騎尉

李忠孝

忠義錄作
陳忠孝

中衛人由武舉隸督標咸豐元年授漢中營千

總勦首逆有功擢守備以母喪歸同治元年甯靈回叛忠孝充團總簡丁壯七百餘人朝夕訓練二年十一月初七日回逆攻甯安恩和等堡忠孝擊走之復於十九日糾大股據南河橋忠孝帶勇衝殺擒賊渠三並散目七十餘獲輜重馬匹無算軍威大振八年三月二十一日復戰於縣屬鳴沙州窮追至老務營溝逆首馬正和正覓路逃適援賊余士彥斷我軍後衆大潰忠孝帶重傷血戰

甘肅新通志

卷七十一

人物志 忠節二

十七

死

張 琮甯靈廳人同治初回亂琮與同里廩生撒錫川起辦團練禦賊於中衛縣之廣武堡斬首甚衆誓欲恢復故土後引衆至鐵銅堡遇賊戰敗墮馬死時年五十四

韓 科甯靈廳歲貢生質直好義醫藥濟人同治初回亂具衣冠端坐堂皇以待賊至欲招之同叛科厲罵不絕遂遇害時年七十有一

岳廷選甯靈廳廩生能文多才智同治閒回亂賊酋惜其才欲留用之廷選具衣冠自焚死時年三十五

王剛姚衡俱甯靈廳勇士性豪爽精武藝人爭學之回亂二人各率其徒以戰衡被圍於白蠟廟賊衆數百自朝至於日中傷賊甚衆中礮死之剛被圍於花馬池之聶家梁賊集數重日中至暮身

中數傷力窮自刎

侯 倫甯靈廳忠營堡人鄉居樂善不輕入城與回爲鄰知亂將作卽散財於家人及族鄰等令預避他鄉亂旣作具衣冠登屋罵賊自焚死

趙天增甯靈廳人初避回亂於中衛同治七年隨團圍賊戰敗死之時年四十五同時死者有秦立業侯誥張生標梁生枝等

西甯府

隋源 崇西平人雄子官儀同煬帝大業中自上黨贊治入爲尙書
虞部郎及海內兵起將兵討北海賊力戰而死贈正議大夫

高永年西甯州人官西甯知州建中靖國三年夏人寇涇原羅撒
合兵逼宣威城永年出禦之行三十里爲羌人所執多羅巴謂其
下曰此人奪我國士使吾宗族漂無處所遂殺之

明端 竹西甯人襲父朵爾只失結指揮僉事調西甯衛指揮僉事
從征歿於陣上聞悼惜賜姓祁賜第於西甯城贈驃騎將軍

朱 榮西甯衛右所人洪熙中從征安定賊逾崑崙山至雅令科
戰死

李 渲西甯衛千戶勇敢善戰能以寡敵衆多所克捷嘗承委追
番族之剽掠者渲直擣廬帳得首惡殲戮之用是諸番恚恨相與

甘肅新通志

卷七十一

人物志 忠節二

十九

發誓必欲生噉渲肉正德十四年追番至隆內卜賊衆拒敵從者
潰散渲手刃數賊力盡被執賊逼令跪渲罵不絕口遂被斫而死
賀有年西甯人以功歷碾伯參守時羌戎出沒無常有年悉心捍
禦嘉靖三十年熟番叛勾結生番犯碾伯界有年戰卻追擊之番
人勢衆力戰而死

冶 鸞西甯衛右所人西甯衛指揮僉事掌軍政十五年愛民下
士毫無潤入嘉靖三十九年守備鎮羌追火石溝夷陷圍城中男
婦無大小皆持挺出救其得人心如此與子爲鉞並家丁十餘人
皆沒圍中事聞贈子百戶世襲建碑表其地爲忠烈山

冶國器鸞孫也萬曆四十八年襲指揮僉事有威信通兵事上官
多重之以功歷官昌平副總兵崇禎十一年禦寇力盡而亡

李天俞衛右所土官崇禎十三年爲闖賊僞將所拘與弟天翕天

命抗節不屈皆被害

李洪遠衛右所人文九代孫也崇禎末以土官指揮同知練兵守備與流賊戰敗同妻祁氏被執不屈而死家人同難者二十餘人

國朝賜額曰忠臣烈婦宗族榮之

國朝馬金良西甯人官守備從征準噶爾與賊戰奮不顧身被圍遂自

刎死

多爾吉蒙古鑲黃旗人雍正元年青海蒙古親王羅卜藏丹津有逆志凡有拂其意者輒自征伐 上命侍郎常壽與之解和吉時從之至丹津遇侍郎無禮吉知其必叛恐遭屈辱遂投繯死事聞恩卹有加蔭一子官

李洪宗西甯土千總土司李問彭委領土兵於雍正元年十一月從守備馬友仁赴南川大峽腦禦寇賊至出戰奮不顧身遂死於

甘肅新通志

卷七十二

人物志 忠節三

二十

陣士兵死者十四人

甄 喜西甯人雍正元年由戎行從軍於西川北川郭莽寺殺賊二年二月從征西海逆夷旋征卓子山逆番咸有功十二月進剿西海擒賊首吹拉克諾木齊 恩賜白金補西甯鎮標中營把總調補涼州鎮標七年從軍赴巴里坤八年追殺準噶爾逆夷至科什圖峩崙磯身中五矛猶力戰斬首三級旋中鳥槍陣亡 賜武略將軍祠祀安西子光彩以難蔭外委

楊 馥西甯人性勤敏由千總以才技薦入京擢爲侍衛歷官貴州大定協副總兵雍正九年從勦臺拱逆苗奮勇先登沒於陣賜祭一壇贈榮祿大夫蔭一子官

呂明登西甯武生雍正閒由乚思觀把總出征金川升守備捐軀

疆場

金 文西甯人以外委千總於乾隆十一年從剿四川瞻對逆番於納洪多賊用鳥槍傷其右臂猶賈勇前進復傷其右脅遂沒於陣備蒙 賞卹

高天禧西甯人由把總乾隆二十一年從征西路有功擢甯堡守備後以積勲歷擢西甯鎮總兵二十三年隨大將兆惠赴葉爾羌剿回霍集占留天禧搭黑水橋師渡未半賊突至兆惠陷陣天禧衝入鏖戰與前鋒統領鄂實副都統三格侍衛特通額俱沒於陣事 聞照一品大臣優卹 賜祭葬諡果義入祀昭忠祠 恩予騎都尉又一雲騎尉世職後回部平 命圖形 紫光閣 御製詩贊

李 林西甯人由行伍歷官把總奉派往察汗城托落亥駐防從征黑錯寺剿捕白蛇溝摩天嶺等處生番均有功咸豐六年赴巴

甘肅新通志

卷七十一

人物志 忠節二

二十一

燕戎格剿撤匪在東山擊賊陣亡

彭爾績西甯人原任西甯鎮標中營把總顯珍之曾孫也顯珍以剿捕金川逆匪陣亡 予恩騎尉世職爾績襲之以千總用歷署西甯鎮屬甘都堂大通鎮標右營千總咸豐十年調赴山東濟南等處攻剿逆匪因傷重卒於軍僧格林沁憫其勞奏請議敘并厚卹歸葬之

陳洪猷西甯人由行伍隨剿青海番匪以積功授巴燕戎格營千總道光二十六年從征黑錯寺喇嘛拔署鎮標前營守備咸豐十年春藍逆擾四川洪猷隨四川提督郭相忠往剿之擊賊於名山縣午華溪力竭死之事 聞優卹如例

嚴國佐西甯增生咸豐十一年同進士楊興霖督勇堵禦南川適撤回來攻國佐赴鄰莊求援未集賊合圍之率衆酣戰力竭而死

賊銜恨之並殺其兄國賓放火焚廬事 聞優卹如例

呂 元西甯武生勦髮捻番賊有功累遷陝西甯陝參將調署西甯暨巴里坤總兵同治元年陝回變率兵進勦次平涼被圍糧盡援絕相持半年城陷巷戰力竭而死事 聞贈提督銜死事地方並原籍建立專祠世襲騎都尉罔替並一雲騎尉同時平涼營遊擊萬福亦力戰死優卹如例

謝之泰西甯庠生同治元年從官軍勦撤回攻札巴城之泰率勇衝鋒賊敗轉身挑戰力竭而死

杜紹武西甯武生充東川民勇團長同治元年從官軍勦撤回屢有斬獲賊大懼伏鳥槍數十以輕騎誘之中伏死

李明潔西甯大南川伏羌堡人同治初撤匪叛亂倡辦團防扼老鴉堡相機勦二年三月大敗賊首馬尕三名大震賊銜之適西

甘肅新通志

卷七十一

人物志 忠節二

一二十二

甯辦事大臣玉通調令來署遂同勇丁祁維善入城賊偵知之設伏以待比至突起圍擊明潔血戰逾時被執罵賊遇害維善亦死事 聞均優卹如例

郭萬福字曉峯西甯人幼明敏弱冠從軍以勦賊積功歷陞遊擊晉副將同治二年逆回犯平涼萬福督衆登陴防守屢破賊壘後因糧盡援絕賊發地雷城陷被亂刃刺死事 聞照總兵例優卹崇祀死事並原籍昭忠祠祀呂元專祠給雲騎尉世職

李友伏西甯人威遠營騎兵同治三年賊踞拉貧麻營員督隊往擊友伏突入賊壘馘賊渠以獻主者壯之復持長矛直赴賊營以後隊不繼賊攢矛環刺陣亡事 聞優卹如例

徐 綬字印軒西甯人少儻年二十出征浙江由行伍歷陞守備咸豐十年英法構兵入犯大沽奉派管帶西甯標路官兵援勦

入衛和議成隨僧格林沁勦辦直東皖豫各省髮捻歷陞慶陽參將同治四年在河南鄆陵縣巖寨陣亡奉 旨優卹並準配祀忠親王專祠

張永林西甯人署老鴉堡把總同治四年逆回擾堡永林同西大通千總許慶督兵民登陴固守相持月餘賊屢卻十二月二十六日賊率衆來攻永林督衆出擊血戰逾時刀傷遍體沒於陣其子廷輔赴救亦被害事 聞優卹如例

汪錦忠西甯武生咸豐十一年充民勇團長助勦逆回破丹麻莊同治五年守窪隆堂團莊本處回與陝回數千合攻錦忠誓衆死守相持三月賊不能克用地雷震陷堡牆錦忠督勇巷戰殺賊甚多夜令老弱穴地道出逃全活三百餘人賊知衆潰排牆而進錦忠挈眷二十七口入室自焚事 聞優卹如例

甘肅新通志

卷七十一

人物志 忠節二

一二十三

謝錫齡西甯諸生同治二年土回猖獗居西營堡辦團協守五年十月土回結河逆萬餘來攻錫齡率衆堵禦堡陷死之其兄得齡中傷罵賊支解之得齡子之聰提大刀殺賊十餘人力竭死錫齡長媳汪氏抱子赴火死事 聞均旌卹如例

李明強西甯人以鎮標步兵道光咸豐間從征有功補威遠營經制同治二年西甯逆回叛擾六年六月初二日賊突至明強汛屬之白崖八哇臺明強督汛兵出戰以衆寡不敵自刎死事 聞優卹如例

許文成字泰菴西甯沙腦新城堡人性孝友生平以勤苦自勵年六十二同治六年逢花寺之變守先世神主不避遂被害於家呂志仁字孝先西甯歲貢秉性剛方見義勇爲同治六年教讀南川總寨適陝賊大股撲甯攻陷總寨被執志仁曉以大義侃侃正

言不懼亦不屈賊未加害釋之卒年七十三入祀屈公祠

曹 椿楊春華俱西甯生員同治七年逆回攻威遠堡求援於郡守派紳講和椿與春華奮然請行至則漢團之驍桀者疑爲賊間並殺之事 間賜喪葬銀兩入祀昭忠祠並廕一雲騎尉

宋兆勳西甯鎮標前營步兵屢敗逆回同治十一年八月回渠馬本元喉黨攻郡城兆勳守南城兩月無稍懈十月閒西甯回句結陝回從南城潛登兆勳苦戰賊敗退身中刀矛十餘處沒於陣右營外委王有倉亦西甯人同時戰沒事 聞均優卹如例

趙寶德西甯沙棠川咎札堡人同治閒回變寶德練團數百人力捍強賊歷時五年勞績賞藍翎五品軍功後被賊圍中槍身亡其弟寶善均効力團中賊蹂躪沙腦一帶寶善堵禦有方賞六品軍功及威遠堡被圍偕官兵出戰力竭死之寶珠亦戰死於東川一

甘肅新通志

卷七十一

人物志 忠節二

一二十四

門忠烈鄉人憫焉俱入祀郡城旌忠祠

劉振綱增生與武生周興詩俱西甯人振綱素以廉節自持光緒二十一年河湟回變練團堵禦十二月二十九日與賊戰衆寡不敵振綱奮勇當先身被七傷陣亡興詩居咎札堡亦於是日戰死於多思帶地方事 聞均 賞給雲騎尉世職

王萬祿西甯武生充鎮海堡馬兵光緒二十一年回叛攻堡屢次殺賊八月閒在堡南遇賊力戰陣亡

王萬元西甯沙腦咎札堡生員少敏悟好學光緒二十一年西回叛逆萬元糾衆保守十月解送西甯道軍裝至北山陳家嶺遇賊督戰身被重傷而亡

許 廉西甯沙腦新城堡人少有志通經史同治二年花寺叛亂廉練勇堵禦屢挫賊鋒準以把總即補未就光緒二十一年西回

復叛練勇堵禦多思帶自夏至秋躬冒矢石冬十二月賊大舉入寇廉赤身血戰力不能支一軍殉焉

李鑽武李欽武碾伯人同治二年五月閒西甯回變兄弟同力禦賊皆遇害

楊春榮碾伯人巴暖營外委同治初逆回犯境春榮率衆迎戰累卻賊鋒四年七月堡城陷督衆巷戰被執死之

李敬武碾伯增生賦性孝友品學兼優同治五年冬西甯回變團練民勇保衛地方未幾民勇潰敬武被執不屈賊命之跪敬武罵之曰吾膝如鐵豈爲賊屈賊怒以火焚其手至死罵不絕口賊亦壯之長子正節年十六聞父被執撲救亦遇害妻曹氏青年守節不渝次子正發監生三子正華軍功

李秉正碾伯人同治初回變團練禦賊數有功八年賊至以衆寡

甘肅新通志

卷七十一

人物志 忠節二

一二十五

不敵團潰秉正單騎殿後胸中槍被擒死之

王 惠碾伯人同治回變出貲募民丁五百餘名防禦要隘後賊大至與子萬安萬華督衆迎戰自卯至酉以衆寡不敵遂皆遇害馬思信碾伯武生逆回陷城思信執刀出西門殺賊甚多旋以右肘中槍手不能舉賊叢刺之

楊大爲碾伯廩生賊陷堡城與子春蘭孫至善陵雲等同時遇害余清文碾伯歲貢同治回變遇賊曉以利害賊弗聽清文吐唾指罵賊怒盡褫其衣困斃之

馬永壽碾伯人同治回變擊斃數賊卒被擒自刎死

李庭芳碾伯生員光緒二十一年回變庭芳督衆修葺堡城尋被賊圍相持二旬餘卒中槍殞命後堡城陷賊悉屠之

張萬義碾伯人光緒閒逆回攻堡城將陷萬義恐火藥爲賊所得

急赴藥庫發火因投火死

梅 連大通人充白塔營步兵嘉慶閒出兵河南軍前奮力血戰陣亡於馬家溝事 聞封忠勇將軍

張懷清大通人同治二年二月閒回變危急懷清積薪於屋率妻盧氏暨兒媳劉氏與二孫皆赴火自焚學使某旌以合室忠貞匾額

劉夢堯大通生員同治二年賊攻莊甚急夢堯衣冠登屋罵賊義不屈降焚屋而死

呂之明大通人性剛直嗜詩書每見古人忠義事蹟輒敬慕之同治四年正月閒逆回陷城之明登屋罵賊焚屋赴火而死

趙之潔大通北川營增生治家嚴整內外肅然性儉約樂施與同治五年歲大饑人相食之潔計口賑濟軍興後大吏檄辦團練之

甘肅新通志

卷七十一

人物志 忠節二

一二十六

潔築城鑿池募勇防守賊頻窺之不得逞旋引去六年四月閒賊於賁夜率大隊圍數重城陷之潔命家人整衣冠登樓縱火自焚家屬共死三十六人事 聞均旌卹如例

趙發興大通縣多隆堡人勤學孝謹母沒廬墓終制同治閒回變遣家口五十餘人避亂他方及賊逼里門發興整衣冠焚香告祖遂自刎而死子振鐸不墜家聲孫敦善弱冠入邑庠

增生梅汝調貢生梅汝楫大通人俱有卓識光緒二十一年花門爭教倡亂圍攻城池內無軍糧外無救援汝調等以事急力勸民勇苦守危城相持至八月之久城得無恙其忠義猶彰彰在人耳目

千總王鎮把總趙俊經制年啟盛李生正張得昌外委張有吉張得榮王吉魯文何守忠王成俱大通人光緒二十一年回變力戰

陣亡

生員李逢林武生李福林羅德党衆保俱貴德人回亂陷城同執戈禦賊力竭死之

韓成璘循化人完卜五世孫襲指揮使乾隆四十六年撒喇回滋事成璘從蘭州府知府楊士璣赴循化途次起臺堡蘇四十三等叛亂攻陷堡城士璣遇害成璘手刃數人力竭被殺家丁楊殿甲從死事 聞賜成璘祭葬賞給卹銀加銜一等令子承襲入祀昭忠祠同時陣亡之屯把總阿葱福星二員均照例議給卹賞

韓光英撒喇族循化崖慢工人士都司玉麟之子乾隆四十六年三月閒蘇四十三等叛亂殺河州協副將新柱光英奉文領土兵赴白莊救援殺賊五十餘人獲韓亥提卜及蘇四十三等之家屬五十六人以功給土千總職銜四月閒調赴蘭州剿賊奮勇先登

甘肅新通志

卷七十一

人物志 忠節二

一二十七

力竭陣亡事 聞賜祭葬議給卹賞入祀昭忠祠

董仁德循化人咸豐三年由馬兵奉派赴皖剿髮逆克潁州府城擢文縣把總同治元年回變狄河相繼陷由循化營千總奉調省垣防剿同遊擊汪永珍駐省西四十里之尖山子三年四月閒逆匪勾結大隊至仁德同永珍督兵截剿力竭同時戰沒事 聞均卹蔭如例

張 悅循化人有膽勇精擊刺充西甯鎮標兵道光二十六年四月黑錯寺喇嘛叛青海大臣達洪阿率西甯兵往討以悅悉番情用爲鄉導番境空闊喇嘛能爲邪術致雨雹我軍進攻輒遇雹大如鵝卵無可避匿戰數不利悅言番衆悉銳於此巢穴必空請以大兵綴其前別簡奇兵由閒道直擣黑錯寺賊必潰雖有邪術無能爲矣從之果一鼓而克咸豐閒奉調剿髮逆屢有功擢安徽撫

標右營遊擊悅平日椎魯若無能然遇敵輒持長柄刀跳盪直前當者辟易由卒伍起家任裨將嘗許軍士自擇便地亂伏草石間不甚飭部伍時人以李廣目之已而角聲四起如兔起鶻落爭入賊陣無不以一當百也後率隊凱旋總督覺羅樂斌奏留甘省署大通營遊擊同治元年陝回叛固原屬回皆蠕動會平涼請兵悅奉檄率三百人往戒軍士出刃於匣入矢於弦若待戰者會監司某來固原招撫止之曰固原諸回近已納款前途坦行如砥而君嚴陣乃若此脫啟回疑壞撫局君能執其咎乎且士卒不可逸亦不可過勞頃已備車若干輛盍乘以往乎悅固訥訥者不得已從之士卒縛械登車悅猶持長矛繫洋槍策馬四顧行九十里入瓦亭峽忽礮聲震伏賊數千從谿谷出土卒下車取槍械束已繫倉卒不能解悅頓足歎曰不聽我言竟至此吾坐某公死矣瓦亭古

甘肅新通志

卷七十一

人物志 忠節二

一二十八

蕭關扼平固咽喉峽長二十餘里南北危巖峭立中通一徑傍溪流隨峰曲折賊截斷前後大呼殺悅及所部三百人皆就死時十二月十三日也未踰月固原陷悅善待卒伍嘗得其死力行兵不拘古法曰兵書無死著株守適足取敗至是以掣肘竟敗死惜哉悅既死逆回潛相賀曰今而後莫予毒也已漢民間者皆流涕事聞優卹如例

趙興旺丹噶爾人官甘州提標中營千總奉派出征西路於雍正十年三月間在準噶爾地方力戰陣亡事 聞賞恩騎尉世職曾孫東生承襲

李喜得丹噶爾人官哈拉庫圖爾營經制乾隆四十六年進剿撤匪陣亡事 聞賞恩騎尉世職嫡孫長春承襲

李發梅丹噶爾人原籍西甯縣西甯鎮巴暖營把總道光五年奉

派喀什噶爾征剿逆回張格爾力戰陣亡事 聞賞雲騎尉世職
嫡孫繼祖承襲

魏啟明丹噶爾人官提標前營千總署西甯鎮屬巴暖營守溝奉
派出征浙江在慈谿縣大寶山陣亡事 聞賞雲騎尉世職嫡子
芳承襲以軍功保守備署哈拉庫圖爾營守備

崔林昇丹噶爾人由鎮標馬兵勦生番有功署左營外委咸豐三
年五月間捻匪擾河南奉調赴援以克復河南孟津暨安徽廬州
諸城功遷陝甘督標前營守備九年八月戰於鳳陽府屬之黃泥
鋪陣亡事 聞賞雲騎尉世職

石 某遺其名丹噶爾人同治三年賊陷大石崖營石一人力拒
衆賊至半日殺賊多名力竭死之

李長春丹噶爾人襲祖父喜得職署鎮海協營把總同治四年力

甘肅新通志

卷七十一

人物志 忠節二

二十九

戰回匪陣亡嫡孫起鵬承襲

楊 才丹噶爾人鎮海營經制同治四年四月間回匪夜攻北城
才督勇力戰卻賊中彈陣亡事 聞賞雲騎尉世職

傅義清丹噶爾人少桀驁性豪俠同治回變其父恐出滋事端幽
閉之室同知富某聚義兵援丹城義清乘隙破窗持令號召不終
朝而應者百餘人頓成勁旅所向輒有功旣而赴大營請援兵還
至大通縣屬之黑林中彈身亡

張逢春丹噶爾人少剽悍英勇異常恆以匹馬單槍禦賊數千當
者輒死賊皆畏之卒以輕騎衝陣死於申中之役

高槍手遺其名丹噶爾人原籍西甯每以短槍倒曳其刃漫行誘
賊追之則即中其計屢有斬獲會與賊接戰衆知其能不往助之
遂陷於坎爲賊刺死

張麻三丹噶爾人膂力過人每戰先登賊稔知其狀思以計取會麻三匹馬山行衆賊突出誘殺之

張仁順丹噶爾人勇敢善戰臨敵不問賊之多寡輒以子身當之死於申中之役

王崇生丹噶爾人鎮海營兵丁有膂力習武藝尤善大刀食兼數人之饌奉派赴固原剿賊屢建奇功當時號爲大刀王老虎以積勳陞把總晉補千總旋保守備會單騎戰賊賊潰崇生奮勇力追馬蹶仆陷於坎賊反乘之遂遇害其弟崇魁亦沒於固原之役
王永善字復初丹噶爾人有幹濟才同治回變奉諭辦團擘畫周密大小積八十餘戰出境援危至數十次鞠躬盡瘁始終如一敘功保布政司理問以積勞致疾踰年遂卒

王重斗字星垣丹噶爾人賦性仁孝同治回變充團總簡練精壯

成勁旅每戰身先士卒克捷最多自始亂至賊平未受寸傷敘功保守備加都司銜因過勞失血卒於家

涼州府

元王宏功平番人有才武世爲本郡守禦至正五年盜賊蠡起有土寇犯城宏功提兵不過百餘奮勇捍禦鏖戰矢盡被賊生擒不屈碎屍事聞卹贈

明劉 林武威人官涼州百戶洪武十年二月也先帖木兒攻涼州林禦於竇融臺力戰而死事聞上嘉其忠勇遣祭於臺下後人因名其臺曰劉林臺

王 剛先世滁州人父義永樂初從征有功調遷鎮番剛由指揮襲千戶宣德十年賊酋阿魯台率衆寇邊同千戶王雄躍馬當先拒敵陣亡正統元年賜祭葬贈武德將軍

丁 俊武威人世襲涼州指揮宣德十一年策應三岔河兵敗陣亡

甘肅新通志

卷七十一

人物志 忠節二

三十一

吳克忠恭順伯永誠子襲父爵洪熙初進侯正統元年征兀良哈有功土木之變克忠與弟克勤爲後拒寇突至戰不勝官軍死傷略盡克忠下馬射矢盡猶殺數人與克勤俱歿於陣克忠贈邠國公諡忠勇克勤贈遵化伯諡僖敏

蔡 澄平番人莊浪衛千戶正統丁巳羌寇入境澄獨當一隊與賊戰左右軍潰力盡而死聞詔予祭葬贈昭勇將軍蔭一子王 瑾永昌人成化年指揮與番寇力戰歿於陣

馬 昭鎮番人參將麟子其祖得爲鎮番衛指揮同知戰歿於陣昭精於韜略授鎮番守備累功陞都司成化間展城開學修衛治一切規制創造尤多勇而善戰入陣有飛搥能擊寇於百步外百發百中人呼爲馬搥後以力戰陣亡封鎮國將軍祀忠烈祠

丁 凱襲後職正德六年追賊至齊家河陣亡

彭汝爲鎮番人以戰功授碾伯守備嘉靖二十四年番夷劫饜汝爲挺矛逐之爲番衆所圍孤身力戰中傷二十七處支解而死事聞卹贈建祠致祭

丁 浩涼州指揮嘉靖三十三年隨總兵王繼祖往三岔堡勦番手掌山斬首五十餘級浩奮勇爭先歿於虜

文 振永昌人嘉靖四十一年襲職千戶海夷入犯黑澇池振單騎馳救奮勇力戰陷陣亡其僕文順殉主難亦衝鋒死

趙思義永昌人襲千戶嘉靖四十三年海夷大舉入寇官軍失利思義身先士卒出入血戰陷陣而亡其僕趙忠亦衝陣死詔卹贈

王 錄鎮番生員同千戶孟清隨參將李愷於柳條灣禦虜陣亡贈百戶

何 相鎮番貢生佑子以百戶設防青松堡禦虜陣亡旌表立忠

甘肅新通志

卷七十一

人物志 忠節二

三十一

勇碑

孫光禧鎮番人游擊潮子萬曆二十九年征海虜有功歷陞瀋陽參將天啟元年隨經略袁應泰援遼救瀋陣亡

李時漸字新庵衛守備忠裔鎮番守備天爵子天姿驍勇萬曆十七年襲指揮職二十三年從征孤山長湖柳湖等處累功至都指揮僉事尋陞都指揮同知二十六年從征扒沙有功陞京營副總兵旋改武威中營副總兵天啟三年率兵出雙黑山禦敵斬獲甚衆後歿於陣無子人咸惋惜

祀 恩鎮番人官百戶禦寇於邑之十里墩力戰陣亡

潘惟忠武威人蘆塘參將崇禎元年統兵鎮番勦賊土山斬首三百餘級題敘二年署莊浪參將出征歿於陣贈光祿大夫賜葬祭張顯謨平番人崇禎八年任甘肅總兵時邊警達甘泉屢禦卻之

嗣因柳州侵犯勢不可遏晝夜轉戰士馬飢疲力不支顯謨猶奮
勇步戰遂被害事聞賜葬祭廕一子世襲錦衣衛千戶建旌忠坊
以表之

馬良御鎮番人守備應麟子崇禎時任蔡旗堡守備調征湖廣流
寇與張獻忠對敵被執不屈支解死

魯映昌莊浪土司任西甯副總兵崇禎十四年闖賊已陷西安上
疏欲請肅王據甘肅以圖恢復不報誓以死殉國遂詣連城散家
財享士卒提兵至西大通遇賊將賀錦揮兵奮戰部卒被傷殆盡
遂亡於陣

陳則從平番生員甲申聞京城陷莊烈帝殉社稷謂子大勳曰謝
枋得何如人耶遂不食積九日而死

張所蘊鎮番人廩貢生任山西長子縣縣丞擢山東青州府經歷

甘肅新通志

卷七十二

人物志 忠節二

三十三

署壽光縣事明末賊至城破所蘊死之

楊聯芳鎮番人由功貢任北直唐縣主簿擢縣丞明末賊至城破
死之

千戶王經百戶張威王朝陳泰徐敏趙祥俱古浪人係明末戰士
未詳里居均祀古浪忠節祠後移忠孝祠

國朝張有祿武威人鎮標中營千總出征招莫多前探遇賊手殺多人
遂死之 賜恩廕

張仲金武威人官把總康熙三十五年隨振武將軍孫思克征剿
噶爾旦奮勇先登歿於陣

周自伏武威人官鎮標前營守備康熙五十七年隨總兵康海征
藏深入重地賊伏發自伏激衆曰豹死留皮人死留名不以死報
國非丈夫與本標首領金愷任正王綸張順張玉英張孝友王乃

熙等二十七人突入圍奪康海屍還賊大至戰十餘次力竭死身半仆怒目手持刃有撲賊狀 賜祭廕子鳳千總

陳 昌武威人官莊浪把總雍正元年番夷作亂隨提督楊進善進剿棹子山遇賊奮勇戰死同邑韓世澤充鄉勇亦戰歿棹子山傅 瑾武威人西甯千總俸滿歸家雍正元年莊浪番夷作亂涼莊道蔣沔團民兵以瑾爲統領二年五月率衆攻打石門寺與鄉民吳廷周田棟俞仲宗力戰陣亡

魯彥燦武威人官山西蒲州副將出歸化遇虜阿爾泰山遂戰歿雍正十一年 賜祭廕其子

杜潤張帝選俱武威人潤官涼標左營外委以功加都司戰歿西域鏡兒泉帝選剿番戰歿

趙國威武威人涼標後營千總乾隆二十一年征伊犁陣亡子連

甘肅新通志

卷七十一

人物志 忠節二

三十四

登由難廕把總陞漢鳳營千總二十八年金川陣亡 賜恩廕

王玉廷武威人由行伍隨征西口外以救趙將軍功授波羅副將旋陞興漢總兵苗蠻不靖 詔玉廷爲先鋒調鎮臨元同明某討之摧鋒陷陣身無完膚卒以金瘡暴發歿於軍贈光祿大夫太子太保 賜祭葬 御製碑文長子威斌 賜一等侍衛廕子一騎都尉又一雲騎尉

張 玉武威人官陝西延綏鎮守備乾隆三十六年金川陣亡

賜恩廕

張伏政武威人涼標左營千總乾隆三十七年金川陣亡 賜恩廕

韓增壽武威人山西泰安營守備文學子剛方誠篤待士卒教子弟具有禮法官鎮標千總乾隆三十八年征金川因大營失機軍

潰散增壽呼曰陣有潰散之兵焉有潰散之官乎遂馳入陣力戰死之 賜恩廕後以其子自昌加業陣亡功追贈振武將軍

吳朝洪徐昭德俱武威人朝洪官鎮標中營千總昭德金塔營都司成原子官西甯把總俱征金川陣亡 賜恩廕

劉玘文萬邦甯俱武威人玘文俄卜嶺千總邦甯陝西延綏鎮中營把總乾隆三十八年征金川同戰歿於木果木均 賜恩廕

孫簡李國泰俱武威人簡官靖遠營把總出征金川戰歿克布去遠國泰官固原把總乾隆三十八年征金川戰歿日旁卡均 賜

恩廕

尤光祖武威人官鎮標中營游擊時已卸篆閑居見城陷兵潰率士勇百餘人迎戰以衆寡不敵自刎死

葉生桂周玉張金玉俱武威人生桂官鎮標中營經制外委玉官

甘肅新通志

卷七十一

人物志 忠節二

三十五

涼標右營把總金玉涼標前營經制外委同出征金川陣亡均

賜恩廕

柯建基武威人官文縣千總出征金川以金瘡暴發卒於軍 賜

恩廕

馬 伏武威人由行伍隨征西域葉爾羌扒達山等處以功補漢

鳳營千總乾隆三十九年征金川戰歿烏勒圖 賜恩廕

劉士珍石柱李國清姜向璜俱武威人士珍鎮標右營經制外委乾隆四十年征金川戰歿日盤山柱都司國清把總向璜俱在金

川陣亡先後同 賜恩廕

劉魁王耀查洪孫儒俱武威人魁耀官都司洪守備均征金川陣亡儒涼標右營千總出征金川戰歿木果木先後同 賜恩廕

王 經武威人官甯夏玉泉營把總乾隆三十九年勦金川賊匪

在日旁山陣亡 賜雲騎尉世職罔替

孫受萬年清俱武威人受官西安撫標參將乾隆四十九年出征石峰堡陣亡 賜恩蔭年清難蔭把總陣亡 賜蔭八品監生

趙良楷王吉善俱武威人良楷官涼標右營把總乾隆四十九年勦逆回戰歿蘭州吉善鎮羌營經制外委亦勦回戰歿蘭州同

賜恩蔭

吳積福武威人官涼標三眼井營經制外委嘉慶元年出征川陝陣亡 賜蔭雲騎尉

武克勤武威人由武進士官福建臺灣游擊初任高唐遭王倫亂幾殞命後專閩直隸巡防月陀石臼陀頗著勤勞蔡牽之役克勤以二百人堵禦北汕賊大至天雨槍礮無所施二百兵皆潰散克勤獨與守備王維光盪海水中格鬪手刃多賊力竭爲賊所害子

甘肅新通志

卷七十一

人物志 忠節二

二十六

瑤瑗生員琚監生瓚生員舉孝廉方正孫經文 賜蔭雲騎尉

李 瑤國泰子以恩蔭補苦水堡把總嘉慶元年出征川陝教匪陣亡 賜蔭雲騎尉

白天祿武威人西甯貴德經制外委嘉慶三年戰歿四川 賜蔭雲騎尉

韓加業字敬庵增壽次子性孝友有武略以功歷陞哈密副將出征川陝教匪充翼長親士恤民屢建奇功 賜號法福哩巴圖魯嘉慶四年賊逼沔縣大吏孫某命加業往救之賊猖獗衆懼加業令曰我救沔縣沔民以我爲命我勝沔民得其生或不勝宮保急我之難必帥全師以救沔民亦可得其生於是督兵力戰馬蹶身帶七傷猶彎弓斃數賊爲賊所害沔民感其德建祠祀之事 聞追贈振威將軍諡武烈 賜蔭騎都尉兄自昌亦陣亡 敕建雙

烈祠歲時祭之有 御製碑記

馬文柱涼標後營經制外委嘉慶四年十二月在漢中沔縣馬家嶺陣亡 賜雲騎尉世職

鎮番營千總岳振泰涼標經制外委趙玘良從九品井美涼標後營把總張積福中營把總韓承澤俱武威人道光六年葉爾羌換防振泰在都齊特台陣亡玘良美積福同在葉爾羌駐防六年回亂城陷陣亡承澤亦於六年赴喀什噶爾剿捕逆回在都齊特台陣亡均 賜雲騎尉世職

文縣經制外委馬志誠永昌營經制外委張翔得俱武威人在葉爾羌駐防道光六年回亂城陷力戰陣亡均 賜雲騎尉世職
從九品劉佩涼標左營經制外委鞠夢麟俱武威人佩新疆印房供差道光六年回亂城陷陣亡夢麟在都齊特台遇賊陣亡均

甘肅新通志

卷七十一

人物志 忠節二

三十七

賜雲騎尉世職

從九品高建謨涼標左營千總吳兆奎永昌營經制外委魏福俱武威人建謨在新疆糧饟局供差道光六年回亂城陷陣亡兆奎魏福八年赴喀什噶爾駐防十年八月剿賊陣亡均 賜雲騎尉世職

全 福武威人官浙江定海縣典史道光二十年六月英人犯順城陷福被執不屈死之 賜雲騎尉世職

劉大慶武威人西甯南川營都司道光二十一年五月在香港河堵禦賊番遇害 賜雲騎尉世職

岳鎮東武威舉人學問淹貫尤有器識咸豐末署固原州學正同治元年六月州屬回叛鎮東上書兵備道萬金鏞請乘其初發急派兵馳擊又密啟署提督某謂標下兵三千回產居半宜選驍健

者千百人統以回弁飭赴鹽茶防剿其餘但有缺額勿再補庶可孤賊勢而絕內訌金鏞等方主撫謝之鎮東仰天太息曰吾其逆回刃上肉哉二年正月朔回兵內叛啟南門納外賊入城遂陷鎮東朝服坐明倫堂自刎妻張氏及幼子幼孫同仰藥死事 聞議卹如例

樊中選字萬青武威人道光己亥舉於鄉官鎮西廳教職兼署迪化州學正同治三年六月回陷迪化中選與其子生員嶽生同自經時年五十有八事 聞均議卹如例

王廷茂武威人通史鑑博覽羣書同治三年十一月二十六日陝賊楊文治擾境廷茂藏家人於窖同二子仍守其廬賊入執廷茂及二子索銀見羣書滿架啟其笥書籍外無長物廷茂伸頸待戮二子呼號護之廷茂厲聲曰自古英雄捐軀者死亦何悔賊壯其

甘肅新通志

卷七十一

人物志 忠節二

三十八

義釋之并釋其二子賊去既上馬復返顧見廷茂猶鵠立舉槍中項血迸溢急退入宅喚二子令具冠帶遂歿時年五十有六

馬 瑜武威回民直隸河閒營副將斌之孫福建漳州營守備靖遠子也由行伍授涼州鎮標把總子應魁補外委瑜性忠直平居立身行已不喜分畛域父靖遠歿任所匍匐數千里號泣奔喪葬祭如禮時論多之同治四年正月二十三日涼城東關回倡亂城內回馬忠應之瑜知勢不可遏乃閉門厝薪捧先世誥軸懸中庭令男婦長幼羅拜畢縱火自焚火既烈升屋泣告鄰人曰吾世受國恩今罹此禍當從先人地下爲清白門第子孫耳遂奮身撲火死

王高齡武威金渠人咸豐乙卯舉於鄉同治四年充本渠團總正月二十三日郡東關回亂郡城團總舉人丁毅詒約高齡鄉團總

段雲龍等督勇助勦賊以木塞關門衆不得入高齡同雲龍等令十數人踰垣進撤木啟關勇齊入賊潰時內城禮拜寺逆首馬忠嘯聚數百人燬民宅高齡率勇入勦不克二十五日再入城徑至塘馬巷與馬忠戰預伏團勇田受恩甘裕誠李絞臍等於他衢出賊不意擊之賊黨悉殲六月賊引陝回楊文治攻陷平番屬之裴家營據爲巢又分犯古浪屬之大靖土門附近村莊相繼陷大靖土門之人請援羽書日數至穀詒謂大靖土門乃五涼門戶宜往救高齡不可穀詒方猶豫而乞援書又至遂約各團總選精壯者率之往抵大河驛遇賊戰不利退入河東堡七月初三日賊大股薄堡垣高齡率衆迎擊賊騎衝入隊亂勇潰執高齡脅之降高齡大罵賊刺殺之弟富齡已突圍出見高齡被執復入鬪死之黃渠團總劉作藩與兄柏年子澄洵皆戰歿雲龍等聞團勇挫於大河

驛遂率衆往救進至高崖臺遇伏急收隊爲營排車自衛賊縱火焚車雲龍及武舉張灝團衆張鶴齡包玉蘭尹正邦田受恩等皆死於陣諸生王蔭棠亦焚死前高古城千總丁鉞擊賊於麻黃溝同團總張雙慶諸生王澂等受重傷死武生張德成護糧車遇賊力鬪死武監生胡殿斌戰於七墩臺死永渠團總徐維禮被賊搜殺死廩生張志和文生王琛王時雍王時權趙士昌趙士勤武生張迪德蔡昌和團衆于尙義王集賢均戰死於河東堡勇丁從死者甚多事 聞均議卹如例

周承烈武威黃渠諸生署狄道州學正同治初家居值回亂充本渠練總四年六月陝回犯土門大靖承烈約團總李遇春金殿佑段雲龍隨舉人王高齡等率勇往援至七里堡東堡賊排方陣而前承烈麾軍徑穿賊陣賊殊死戰卻而復前者屢倏騎賊分兩翼

來衝乃令團衆急退入堡中承烈殿後被重創越日死事 聞議卹如例

李遇春武威河東堡人亦援大靖與段雲龍議不合率勇從東路麻黃溝進距大靖數里賊騎擁至遇春與賊持自二十三至二十六日連接十餘仗馳血書告急於雜渠紳士羅士範未至而賊已抵河東堡遇春急與副團總趙士昌謀退而高齡等又敗賊乘銳來撲遇春力不支被執不屈死闔族一百三十餘人同被害事聞均議卹如例

金殿佑武威雜渠副貢生殲郡城東關回族有功遂同周承烈等援大靖殿佑紮土門堡下沙灘扼賊吭賊數來衝殿佑分隊夾擊敗之賊旋擾涼郡七月初四日由蔡家寨迤邐而東殿佑派營溝勇三百餘高溝勇七百餘沿河上下分堵之賊既至令長子涵姪

生員山及湯迎戰迭獲勝初六日賊大至殿佑派勇扼上游賊自下流潛撲之勇多殺傷山湯及姪天成督衆死戰皆歿於陣殿佑旋被害時年六十有三事 聞均議卹如例

張文藻武威大河驛副貢生辦本渠練勇四年七月初三日賊陷河東堡乘勝馳撲驛東門文藻戰不利退入城賊積薪西門爇之文藻沃以水時守者咸集東西門賊乘閒從城南水竄入殺聲大起衆惶懼開西門竄出賊焚團局文藻出擊過害事 聞議卹如例

劉 垠武威雜渠磨觜堡人同治四年七月初三賊竄至堡欲渡河垠率衆據岸分三隊遏之賊不得渡次日督勇駐東升嶺之四方臺初五日寅刻賊大隊至垠憑高轟擊之復揮衆擁巨石視賊最厚處擲之忽悍賊五六人冒石登臺垠遂被執強之行垠厲聲

罵之賊大怒擊垠齒盡落垠暈血罵益厲賊叢刃之被數十創死
事 聞議卹如例

廩生嚴光甲武舉辛毓英俱武威黃渠人充團總訓練有法屢擊
賊於神樹頂犛牛圈等處斬馘甚多同治四年十月逆回竄擾古
浪之西山堡光甲偕毓英督勇往援會古浪勇勦賊於七條壩十
五日整隊出斃賊二百餘賊氣奪轉攻古浪勇稍卻走入光甲隊
陣爲之亂賊乘勢衝光甲隊光甲發三矢殪三賊賊怒力追光甲
馬蹶被執不屈死毓英收敗勇入民堡將近堡垣羣賊擁至以矛
刺毓英中腦死同時永渠團總生員劉炬戰不利投井死又龔家
堡團總武舉陸長生同勇丁三百餘人戰於西山口皆陷陣死事
聞均議卹如例

羅士範武威諸生辦雜渠團練性孝友團局距家五里有母八旬

甘肅新通志

卷七十一

人物志 忠節二

四十一

每晨夕必歸省顧無夜不宿局中同治四年六月各渠練軍援大
靖武威令李德輿聞段雲龍敗於高臺崖諭後隊團勇勿輕進時
勇糧多被焚後無繼者士範請於官在雜渠局設糧臺截本年額
糧充勇饟定議交麥麩十八斤抵額糧一斗士馬芻糧度支各有
法糧戶踴躍勇得不潰七月初二日賊大隊至士範率勇堵禦被
執問曰爾雜渠團總耶士範厲聲曰然賊怒縛以繩倒懸於木燬
以火罵益厲旣又繫馬尾後曳行數十里乃剖腹注以沸油死武
威自被擾以來死事最慘者士範外則有田成功雜渠勇丁也七
月初七日隨團禦賊西湖坡被執見賊酋兩膝不稍屈以刃搨其
口噴血大罵賊怒砍其頭屍猶僵立不仆云事 聞均優卹如例
成元鼎武威懷渠人以武舉充本渠團總四年冬回匪逼境聞元
鼎精武藝乃僞作商民負販者誘元鼎出莊外執之送豐樂堡賊

壘隸僞帥秦甲部元鼎乘宵分見一賊目下榻去尾之賊入廁元鼎伏隱處俟其出執巨石力擊之腦裂死天明賊見僵屍倒地大呼衆集視咸疑元鼎驗其身血痕殷然賊大怒攢刺死戮其屍爲三事 聞議卹如例

李節修武威懷渠懷安堡貢生同治四年冬賊至境大肆焚掠邑有設典肆者以節修宅高敞徙貨其中賊聞而垂涎往攻宅節修伏多人於積貨處賊入執節修問所徙貨節修引至其處左右伏發斃賊甚夥賊怒殺之時年七十有八事 聞議卹如例

王銓相武威懷渠生員充練總同治四年西山回掠黃城灘五溝灣等處銓相同武舉成元鼎分隘防堵有善法寺者番僧誦經處也距西山數里聚番僧百餘皆強勇善習戰鬪相以禮邀之扼要隘賊颺去十一月二十五日賊逼涼郡旋繞城而西掠四十里堡

甘肅新通志

卷七十一

人物志 忠節二

四十一

及豐樂堡銓相移善法寺勇禦之屢有斬獲三十日賊四面蟻集約二千餘人圍康凝堡焚堡外房屋團勇見火光四起紛紛退賊攻入銓相宅男婦被害者二十餘口銓相挺身赴鬪死事 聞議卹如例

朱成繡武威農官同治四年十一月二十六日擊賊於三十里鋪被執賊鬻割之弟成魁及所僱三十餘人皆戰死耆民邱鎮遠亦督勇拒賊知不敵先伏數人於隱處逮村破被執索財物鎮遠引至伏所任搜取伏忽起殺賊十餘賊怒剖鎮遠腹取心肝置火中事 聞優卹如例

吳殿魁武威大渠武舉與本渠武監生胡殿斌同辦團練同治四年六月二十日殿斌援大靖留殿魁於團局會各團勇失利逆回乘勝徑撲局殿魁擊卻之十一月二十五日夜賊百餘人冒烏魯

木齊成祿部勇旗幟從局門過欲襲局殿魁偵知之發礮轟擊斃數十賊內傷逆酋一賊痛哭去越日賊數千縱火焚局殿魁力戰死團丁李資深冒火出賊圍刺之死事 聞議卹如例

劉兆熊武威人入貲得府經歷父鉞字威之道光丁未進士官直隸長垣縣知縣兆熊隨任以勦捻功擢知縣同治二年丁父艱回籍辦城防四年六月陝回由大靖土門竄涼州合郡震動衆議遣人赴省告急而難其選兆熊挺身任之同從九張仲堪星夜往七月初一日抵靖邊驛遇賊騎被執誘之降兆熊忿然曰我家世受國恩非從賊者賊怒殺之仲堪亦被戕

劉升嶽武威人道光戊子舉於鄉授洮州教授同治五年十月洮回變殺升嶽之孫樹屏擁升嶽及眷屬至副將署升嶽與副將馮曉以義戒勿擾民稍安十二月初八日復變勸升嶽從升嶽厲聲

曰 國家命吏豈從賊叛者賊殺其妻吳氏及次子恩沛問從否罵益厲又殺其妾車氏及三子恩綸復問之升嶽舉階前瓦擲擊之遂被害賊葬之郊外時年六十有五

趙 銘武威人官涼州鎮標把總同治二年擢鎮羌營千總時陝回西竄恣屠戮諸縣驛率閉門守或棄而遁否則賂以芻豆馬匹銘之官後誓與民共禦賊鎮羌爲涼郡小驛舊有城而濠平牆圮無所恃以自固銘練士卒修城濠防守之具無不備五年四月賊大至銘集衆然巨礮轟之殲悍賊無數遽走銘知賊必復來仍與民并力守未幾果薄城下乘隙闌入百餘人闔城震駭銘率兵繞城抵禦城陷銘下令曰擊賊者予百金須臾得七八十名與賊巷戰賊多夷傷銘亦戰死事 聞優卹如例

韓錫恩一名衍珩涼州人由郡廩生襲騎都尉署陝西綏德營都

司同治五年十月卸任甫五日而賊逼綏德城錫恩同現任官率兵民竭力堵禦賊卻嗣援賊大至城遂陷錫恩死於亂刃其胞弟錫章亦同時罵賊死事 聞奉 旨予雲騎尉世職子同福亦涼州府廩生承襲

何斯盛鎮番人明百戶相孫由百戶陞密雲都司調山海關鐵旗營都司致仕順治四年兄斯美爲山西翼城令時斯盛隨任賊圍翠城斯盛戰歿翼人建祠祀之有禱輒應後香火甚盛曾著河干烈一書特紀其事

祁文燦鎮番庠生明百戶恩曾孫順治五年勦回之役同指揮徐文正俱戰歿十里墩有碑記

李 蘭字心言鎮番人游擊桂馨子由武舉人歷官新城堡守備康熙五十七年出征西藏子如鄴從之行至烏魯木齊蘭念母老

甘肅新通志

卷七十一

人物志 忠節二

四十四

家無次丁泣令如鄴歸里以忠孝大義爲母陳之遂隨總兵康海進至哈喇無素地方與賊迎戰力盡矢窮望 闕稽首而殞雍正四年 詔賜祭葬世襲 恩騎尉

馬 虎原名永錫鎮番人明懷遠將軍得十二世孫形貌魁梧放達不羈幼好武初從征鏡兒泉等處累功陞西甯守備旋擢南川都司尋遷慶陽協副將乾隆二十一年賊衆擾伊犁虎帥兵往勦戰無不克即於是年留屯伊犁恩威並用歷官至湖北襄陽鎮總兵三十八年金川寇叛虎領所部兵親冒矢石與賊戰於宜喜山陣亡 贈光祿大夫世襲騎都尉子壯猷以廕授山西大同參將壯威授山丹游擊

張 潔字介三鎮番人張達之後丰姿英毅乾隆三十九年由武舉出征蘭州有功授涼標把總旋陞千總嘉慶元年出征川陝以

功擢陝西隆德營守備三年率兵禦敵大城寨力戰而死世襲雲騎尉

傅培峰字擘三鎮番人道光丁未進士官江西宜黃縣知縣咸豐八年粵賊擾境培峰親率鄉團晝夜督禦數月糧盡援絕城陷培峰乃朝服北向再拜自經氣未絕賊至脅之降培峰大罵目皆盡裂賊怒甚支解焚毀之事 聞給予雲騎尉世職

楊夢楷鎮番文生南鄉重興堡人充團總同治四年十二月二十五日與子含胡往南河口帶勇禦賊同日陣亡團勇死者有俞多業等三十一人

嚴吉祥鎮番人同治四年十二月二十五日以團長帶勇駐南河口防堵遇賊奮戰殺獲甚衆身中十餘槍死之

郭印儒鎮番人充義勇往南河口以步擊騎直陷陣揮矛亂刺力

甘肅新通志

卷七十一

人物志 忠節二

四十五

屈而死

玉貢瑞鎮番人充義勇往南河口辦軍糧同治四年十二月二十五日賊衝散民勇獨隨團總奮戰身中槍死

丁人文字寅階鎮番壬子舉人少負異才有文名同治元年大挑二等丁憂家居變起督辦鄉團聞警往援所至奏捷四年十二月二十五日大股回至民勇瓦解胸受矛傷數十死

謝玉榮鎮番武生幼充營卒嘗從征新疆浙江等處有膽氣至回變起帶本邑民勇駐南河口防堵屢著勞績同治四年十二月二十五日隨游擊陶某勦賊直衝賊陣斬首擐旗所向披靡賊怒甚以千騎壓左右攢刺而死

馬秀義字清號鎮番文生起業之子體偉力壯膽略過人幼習騎射嘗於弓馬之暇務韜略演武藝善使大刀精通單鞭凡所使軍

器俱鐫奮勇爭先等字同治初逆回亂分棚防守同治四年十二月回匪長驅犯境由冰渡河游擊陶某帶營兵並民團整隊禦寇時秀義分防西面聞警急率部下星夜迎敵至紅崖山之南賊已踰河秀義縱馬揮刀督師拒戰賊稍却乃領驍卒數人直劈賊陣旋復合圍秀義輪刀舞鞭奮力砍擊賊怒分兩翼來衝俱持長槍撲殺很刺營兵被賊擊潰全軍覆沒秀義督帶十餘人且戰且走退過山頭忽東來數百賊截去前路腹背受敵秀義衝突酣戰馳驅河干冰滑馬蹶賊齊喊亂予攢刺竟亡於陣

寶嘉祥鎮番人充民勇同治四年十二月二十五日隨官軍禦賊南河口偕弟五祥均陣亡

馬浴德鎮番增生同治四年父在塋率勇禦回不支遂被衝散浴德執殳尋父力戰而亡

甘肅新通志

卷七十一

人物志 忠節二

四十六

薛世孝鎮番武生東鄉六壩人同治四年臘月某日隨官軍禦賊南河口陣亡

石奮揚鎮番武生東鄉五壩人與文生詹兆熊辦民團同治五年正月賊至村帶團交鋒賊敗追十餘里賊懼乞免不許又追至湯家臺羣賊紛合勢銳甚遂同遇害

王季鼈鎮番人同治五年五月二十七日與子朝賢朝元家居賊突至圍莊三人竭力捍衛經夜不降賊怒併攻父子俱遇害

李鳴鶴鎮番歲貢同治五年五月初九日賊於途中遇見被服儒雅誘聘教讀不從遂罹鋒刃子九成姪家銘痛父叔死忿甚邀賊力戰亦遇害焉

曾 第鎮番文生柳林湖人同治五年五月二十五日率衆禦賊交鋒賊銳甚衆皆潰走第與族鄰十二人同日被難

王見賓鎮番人同治五年五月二十五日率民團千餘駐羊路口防禦遇大股賊衆畏之如虎狼奔豕突紛紛瓦解見賓被執拷掠苦楚卒罵賊死同時死者共六十餘人

李啟純鎮番武生與弟文生啟書練鄉團千餘名爲民兵聲援同治五年五月十一日大股回至交戰自朝至午斬首三百餘勇潰力疲兄弟陣亡

丁世材鎮番人同治五年逆回至莊衆紛逃戰守無資恐爲賊污舉家十餘口俱吞毒自焚

盧旺枝鎮番人同治五年七月二十七日回攻寨瀕陷者數旺枝率衆戰直衝陣賊盡辟易揮戈亂刺時因蹉跌被賊擒至西河令作閒諜爲偷襲計旺枝唾罵且握拳奮擊賊碎屍紛骨肢體無存桂含芳鎮番監生同治五年督辦團練擊賊於馬湖灘賊銳甚團

甘肅新通志

卷七十一

人物志 忠節二

四十七

勇死者數千人含芳亦陣亡焉

劉克鐸鎮番文生同治五年五月二十五日陝回至村衆皆紛逃全家服毒而死

程朝鐸鎮番監生同治五年回蜂至率弟朝福朝鼎朝臣朝泰暨姪武生興科孫宗舜宗堯等協力攻戰力屈均死之

劉國華鎮番文生同治五年回攻寨衆逃散國華與子弟五六人被賊擄賊拷掠索銀國華給曰盡釋我子弟則指示銀穴賊信之即時開放國華乃厲聲忿罵賊怒燃燔焚死

藍毓青字雲峰鎮番人甲午舉人官大通奇臺固原安定諸縣教諭訓諸生先植品而後文藝諄諄誥誠肄業學署者四十餘人辛酉定西文武兩解元兩文十武舉皆門下士俸滿保薦定西士民攀轅挽留遂回原任明年回亂毓青同官紳縶勇防守同治四年

奉文截取知縣四月逆回萬餘環攻城防守四十餘日圍始解上官以防守出力保加同知銜六年四月初六日夜賊由西南角援梯跨城郭外駐紮十五營不能相救毓青急與都司秦某督民登陴力戰死之事 聞優卹如例

馬在埭字堯衢鎮番增生充南鄉忠義團長同治八年八月二十九日逆回竄境在埭已耄猶倔强如少年率衆守寨七日夜水漿不入口力疲難支賊誘降在埭虬髯倒束怒皆欲裂厲聲罵賊怒擁梯猱升在埭計窮遂整服北拜闔室自焚事 聞給予恩騎尉世職罔替

王錫年鎮番人同治八年十二月賊突至圍其莊父母幾危錫年在外聞之急偕堂叔永儒堂兄寶年執挺往擊奪賊予復傷數賊賊稍卻父母乘閒奔寨酣戰時肩忽中槍遂同永儒寶年被賊支

甘肅新通志

卷七十一

人物志 忠節二

四十八

解成泥

陳廷彩字光亭鎮番人同治八年九月賊攻寨度力不支急令家中男女服毒舉火自焚

高廷秀字華生鎮番人同治八年回匪竄擾因連絡三寨團練鄉民賊至屢卻之至是賊積忿督攻四晝夜寨陷猶挺槍立門固拒力戰鄉民梯垣而脫者甚夥頃之被縛不屈賊揭巨石壓身聲色愈厲遂殉難

景瑞雲字祥五鎮番庠生同治八年賊攻寨勢垂危人情洶洶叔姪咸議逃亡瑞雲曰舍父安往寨陷父子均遇害

樊成德鎮番庠生同治八年遊勇嘯聚咆哮索糧時因賊匪劫掠十室九空卒無以應勇遂圍寨令出成德而甘心焉成德忍棄身家竟死於勇隨行七八人均遇害

郭明海鎮番人同兄弟明山明通築堡禦賊同治八年大股回壓境攻圍甚急明海恐堡陷受辱坐藥籠自焚死明山撲火自盡明通被擒強索賄無以應賊縛懸樑上燃薪燒斃

馬多運鎮番人同治八年五月初三日回攻寨與趙進中用木壘火槍屢挫賊鋒越三日糧盡力疲賊誘之降許男女縋牆出不戮一人衆皆去二人誓死不從矢志堅守及被執遂燃火焚死皮肉成灰

馬元德鎮番人同治八年八月二十九日守寨禦回晝夜週巡目不交睫賊乘梯及堞即以利刃刺之顛如此者數次賊計窮乃夤夜掘牆卒破之元德見父在途被擒執挺往救遂中亂槍死

楊榮玠鎮番西鄉曹城溝人充團勇同治八年九月初三日出隊陣亡

甘肅新通志

卷七十一

人物志 忠節二

四十九

王心俊鎮番寺兒溝人同治八年九月初五日賊攻寨力擊數賊傷之攻愈急自知不免即舉火同心善等十六人俱自焚斃

張爾蔚字霞起從九品鎮番黃茂溝人同治四年逆回擾涼郡爾蔚辦理南鄉團防屢挫賊鋒積數年戮賊以千計賊仇爾蔚益甚八年八月二十八日逆賊數千環堡大呼復仇爾蔚督衆出戰互有夷傷仍憑堡拒守賊盡銳急攻堡無完堞而外援不至九月初二日堡陷爾蔚赴火死男女死者九十餘人其族人居多繼妻許氏有賢名撫前室子從仁等四人如己出聞爾蔚死悲號不食赴井以殉事 聞爾蔚蒙優卹并準建祠餘祀本邑忠義節孝祠

李樹汶鎮番人同治九年與胞叔被賊掠去憐叔無嗣詭謀遣脫身遂遇害

劉毓桂鎮番人弟毓玠廩生距寨一里許設蒙館同治九年三月

初一日隨學童赴塾賊適至前毓桂見戈矛亂刺急挺身接鬪弟獲免身遂遇害

王君山鎮番人同治九年九月逆回攻寨無虛日與同族秉傑協力拒守誓不屈二十六日賊蜂集衆皆潰二人被執同男婦七人均遇害

邱隱奎鎮番人性豪俠有膽略同治九年八月初六日賊突至境勢甚張衆惶恐皆束手待斃隱奎率衆迎擊身受矛傷數十血迹淋漓猶力戰不屈死

劉 汕字聚川鎮番人同治閒結寨禦回期保鄉里九年秋逆回傾巢來犯寨破被執奮罵擊賊賊支解之只存頭顱

陳廷炳字蔚亭鎮番人同治九年九月賊攻寨乘梯登堞獨提劍週巡殺戮數賊力竭被執身壓木梃斬首而死

甘肅新通志

卷七十一

人物志 忠節二

五十

葉成仁鎮番人六品軍功同治九年九月寨陷怒罵被賊鬻割支解而死

李竹春鎮番人同治九年九月寨陷執梃衝圍賊擒之倒懸樑上用火銃擊死

王立勲鎮番人同治九年堡陷兄弟七人均死之

常 洺鎮番紅柳墩人同治九年九月二十九日賊圍寨守禦三日寨陷罵不絕口賊怒亂矛刺死

許世增鎮番人辦練鄉團同治九年九月二十九日禦賊於南河口勇潰陣亡後蒙 恩卹雲騎尉世職

薛世忠字蓋臣鎮番監生同治九年被賊執索賄贖身裂皆怒罵不屈死之

高廷獻字文菴鎮番文生同治九年回紛至圍寨危如壘卵率衆

堵禦困垓心子克謙克遜冒圍直犯卒不克父子俱戰死
曾毓哲字濬生鎮番人同治九年白彥虎悍黨至境劫掠特甚及
寨陷衆皆潰走毓哲以母老病重眷戀不去遂被執罵賊激怒倒
懸樹下火炙鞭箠數日而死
韓有鶴鎮番武舉同治九年五月初三日賊圍馮家寨人情洶懼
幾不自守有鶴急選敢死士與賊角逐奮力轉戰冀取勝以安衆
心及中槍死人皆奪氣寨亦旋破避難之民盡遭屠戮後蒙 恩
卹有鶴給予雲騎尉世職罔替

唐秀國鎮番監生同治九年回攻寨甚急與貢生唐仙遠均闔室
自焚

劉能閱鎮番人同治十年二月十八日賊乘狂風潛至寨下時丁
壯出耕能閱隻身守禦力竭被擒亂戟攢刺死

甘肅新通志

卷七十一

人物志 忠節二

五十一

楊燦榮字華封鎮番庠生生員集鳳父同治十年四月初七日寨
陷遇害集鳳悲憤往復仇亦死之

丁世道鎮番人同治十年賊攻寨危在頃刻度無生理與弟世胄
舉家二十餘口俱吞毒自焚

李復元鎮番人同治十年七月二十一日寨破罵賊賊碎其屍
李家麟鎮番六壩人回變起充團總奉調赴公中途遇賊殺傷甚
衆及被執罵不絕口賊怒腰斬之

楊作梅鎮番人以武舉領本籍義勝營團勇弟得霖凌雲皆武生
領馬隊賊至輒破之城恃以完同治四年五月賊逼縣界作梅率
所部會鎮番營弁兵駐南河口防堵十二月二十五日賊至集兵
勇死傷者五百餘人凌雲斬賊目十餘力盡死作梅櫻十二傷僵
草閒其子映瑞迹得之負歸數月創始愈十年七月二十五日賊

大隊襲城作梅督隊出直衝賊陣賊僞遁作梅恐有伏止團衆弗追而親偕得需以數騎往探抵聶家夾道伏發皆歿於陣事 聞優卹如例

何鎮殿鎮番人同治初回亂鎮殿約同志諸人捐貲築堡募丁壯製器械四年五月逆回來犯鎮殿督衆守寨無食者給米石貧民感之樂爲用十年三月初三日賊突攻寨三晝夜不下賊佯退時寨內蓄水涸衆欲赴鄰溝汲鎮殿止之不聽賊伺隙潛回乘虛陷寨縱火焚掠鎮殿及子附生永亨同撲火死

劉朝山字聘之鎮番人性好武有膽氣年十八值同治五年回變因充民團守城禦敵以勇敢稱六年春調紮武威安遠迭著勞績平番一役生擒二賊斬首甚夥七年夏歸鎮秋戍肅州八年夏回籍道經永昌適昏夜賊蜂擁上城惶恐無所措手朝山久歷行陣

甘肅新通志

卷七十一

人物志 忠節二

五十二

略無懼色急開號麾旗率營勇備登樓城固守合力擊卻之旋里後賊於九年九月二十五日復夤夜乘梯登城民勇齊喊摧挫賊鋒朝山力居多十年五月出差往大灘時賊出沒無常乘閒劫掠朝山晨出伺賊動靜或告以鄰莊有賊遂挺身提槍往偵之猝遇馬步三十餘賊齊擁出朝山獨當一面且戰且走距營數十武槍中左髀猶坐刺數賊賊環圍執之勸同行怒罵不屈遂於是月初七日遇害卒年二十三練勇壯之率鄉民卜葬於岐豐堡西牆下後蒙 恩卹祀忠義祠

郭印儒鎮番人充義勇往南河口以步擊騎直陷陣賊矛亂刺力屈而死

張述前鎮番人寨破一家十餘口均被賊戕其餘死者無算
唐 國鎮番監生寨破人死無數國亦被害

劉中科鎮番人寨破被賊焚死同時殉難者無數

石存仲鎮番文生其寨垣墉殘缺不齊適存仲赴城賊突來攻兄存天存謙均中槍死男婦見勢迫俱服毒投井或舉火自焚無一存者惟子應麒甫九齡母灌之毒未入腹被賊掠去光緒四年始逃歸後入邑庠存仲亦憤激死

高得時鎮番人逆回之變率子姪築寨捍禦人倚之爲長城後寇大至堅守數日力竭被執不屈死之

姜尙忠鎮番人寨陷闔家殉難寨內居民無一得脫者

張興然鎮番人寨破與貢生許世捐文生許立文曾遴許立豪均殉難餘被害者無數

朱升俊鎮番文生回變寨破急整服北拜自行舉火闔家七口均焚斃奉 旨無論男女老幼及十二歲者祀男人昭忠祠女人節

甘肅新通志

卷七十一

人物志 忠節二

五十三

孝祠並准襲雲騎尉世職

張國義鎮番人寨陷居民百餘口生者十僅一二國義殉焉

劉中理鎮番人寨陷屠戮殆盡中理死之

許立度鎮番人寨陷人無少壯賊盡屠之立度亦被害

曾培池鎮番人寨陷死者枕藉培池殉難

魏光明鎮番廩生回變率團勇奮戰被賊獲不屈而死事 聞優

卹世襲

蔣應蕃應蘭永昌同懷兄弟世居新城堡並爲諸生以道義相期勉雍正元年南山夷犯界肆行殺掠堡破應蕃兄弟以酖飲其家人聚薪徧庭戶燃之兄弟自刎男女死者九人教授高子穎旌其門曰舍生取義

郭 耀永昌人魁梧有意氣雍正初山夷寇境副將劉紹宗堅閉

城門不遣一兵老稚奔竄至城下哀求始縋入耀憤極糾鄉衆持耰鋤逐虜虜遁去後復來衆潰耀隻身力鬪馬踣見執遂被殺

邵 誌永昌人涼州鎮千總雍正七年出征巴爾庫爾陣亡子昌易承襲世職

李國清永昌武舉精騎射兵部考死優等乾隆辛卯征金川奪碉破壘往輒有功擢延綏鎮千總癸巳春進攻克日旁衝鋒而死于瑤承襲把總

許 誥永昌人涼標千總乾隆辛卯四月撒拉爾圍蘭州誥挈兵百人星夜往援比抵河橋兵行疲而賊攻城危甚誥倡聲曰此時不同命來何爲衆士響應奪橋衝圍而入旋潰誥死於戰子萬壽廕如其官

李 奇永昌人少有膽略乾隆辛丑夏撒拉爾叛攻河州奇爲守

甘肅新通志

卷七十一

人物志 忠節二

五十四

備率兵登陴拒之城陷力與賊鬪被刺中左脇墜城下瀕死懼賊得礮藥乃呼卒急掖赴局火之賊恨甚磔其屍 賜廕子自連官把總

楊世蘭永昌人乾隆戊申武舉涼標千總嘉慶五年征秦徽兩當等處有功調永昌營千總整肅營務道光元年從西把截守備任內調往和闐換防六年亂作援絕城陷世蘭遂焚神機庫手刃數十賊力竭被執不屈死子著明以經制奉派阿克蘇守禦亦陣亡嚴克選永昌人高古城千總咸豐中黑番圍攻竭力拒守後因援兵愆期營陷克選死之事 聞予世襲

何雲翹字奎生永昌人道光中舉人官循化教諭同治回亂城垂破或勸之逃雲翹曰教諭 朝廷命官將焉往城破衣冠坐明倫堂罵賊賊怒殺之事 聞予世襲雲騎尉子念忠光緒乙酉拔貢

馬執德永昌諸生同治四年回逆竄西路執德充團長其兄敬德副之十月二十九日敬德率團赴援新城堡至夾河灘與賊遇迎戰逾兩時矢盡衆潰敬德左臂中刀創復奮起斬數賊尋與弟恆德新德及姪殿英俱歿於陣未踰月賊由裴家營突圍莊木柵盡燬執德勵團勇殺賊過當旋受重傷仆地被執賊以繩繫其項索金銀執德大罵賊支解之兄裕德子殿龍俱罵賊死一家先後殉節者凡七人

郭維仕永昌人素習槍法獵者多師事之同治四年攜妻子居天臺山集獵者數十人據險固守五年賊由金川峽入陷六七堡維仕督獵人戰五晝夜殲賊百餘賊焚禾稼而去後復以數百騎潛來維仕令堡人拒於前自率子弟擊其後遣獵戶繞道截賊去路賊首尾受創大潰不敢入金川峽者年餘七年秋蔡家莊爲賊據

甘肅新通志

卷七十一

人物志 忠節二

五十五

涼郡道梗維仕率其徒由八壩堡直擣之連戰皆勝賊夜遁道復通九年冬賊擾北鄉維仕選善槍者百餘人伏峽陬賊入過半橫腰轟擊賊倉卒失措半落澗谷餘棄械走十一年五月賊襲蕭灣擄婦女維仕率子姪六人迎擊槍斃二賊奪婦女還時鏖戰已久子姪請收隊晨餐不許銳身去適賊擁至維仕槍三發火旋滅被攢刺死賊大呼曰此人去金川峽無人矣聞者咸痛惜之李如綱永昌下四壩人以武舉同叔凌霄辦團練每伺賊飽掠過輒出奪之同治九年十月賊乘夜破凌霄莊殺其族姪浦及春兒等男女十五人聲言再至必屠爾堡人皆懼欲逃如綱督衆固守數年無警十一年大軍勦西甯賊衆突於十月內擁至如綱倉猝集團禦之自辰至午團丁多戰死遂潰李永壽李文昌保郭鍾英郭拴兒李得元馬有年等及如綱皆被執賊縱火燬之

監生徐興慧永昌人遇賊於滑石溝不屈死子發章見父被執欲詣賊營乞以身代時賊遠不能追遂自縊

東鄉有牧童者永昌人佚其姓名年十六賊掠之使導徑童不前脅以刃童怒忿罵賊殺之

楊某永昌人佚其名夜入城遇賊賊將襲城給之曰勿言即活汝楊應之且走將及城門大呼曰城上人好防賊至矣賊殺之城得不陷

生員李鳳鳴永昌人遇賊於城東五里罵賊死

佾生張玉崑永昌人被執不屈死

廩生王政南永昌人遇賊於麻黃溝罵賊死

趙爾彥永昌人賊破趙家莊守母不去被戕

孫禮堂孫奎章永昌人莊破罵賊死

甘肅新通志

卷七十一

人物志 忠節二

五十六

生員楊以正永昌人賊攻城死之賊又攻破郭家臺郭秉福舉家四十餘口俱自焚

生員徐廷福永昌人莊破撲火死賊又破嚴家莊廩生嚴執禮媳陳氏被擄不從賊亂矛刺死

蔡廷鏡永昌人賊攻莊垂破與其弟廷彥廷相令其婦南氏嫂劉氏妹九姐相聚一室聚薪窗下燃之廷鏡亦撲火賊入尚有微息用涼水噴醒索銀廷鏡罵不絕口賊割其唇舌以死

郭秉福永昌人與弟秉祿及李郁芝莊破被執厲聲罵賊賊擲火上燒炙死

趙天鬣永昌庠生山夷圍莊攻之甚急度不能支遂整衣冠仰藥死

董 儒永昌歲貢生篤行好學後起諸俊多出其門適賊因襲城

遇之被執不屈死

張固言永昌人性好施同治歲歉全活甚衆回匪之變固言團練民丁與戰不勝恐父見責遂陷陣死之

馬中第永昌武舉同治回變禦賊身死其母王氏謂其家人曰吾屬女舊家不可辱於賊手率其婦女殉之死者四人

孫興華永昌縣兵書同治夾河灘之役隨邑令阿某禦賊民勇敢績興華被執不屈死

蕭香亭永昌弁兵從征浙江歸年已老復禦賊於夾河灘力戰死之身無完膚

王定國永昌人性勇敢精技擊同治回匪之變賊不敢至其莊後督團練擊賊定國血戰死弟鈞國並生員王捷三率子姪及親族赴難者四十餘人

甘肅新通志

卷七十一

人物志 忠節二

五十七

生員謝文舉永昌人賊攻陷西鄉莊村十三處與團總楊發英死之

把總楊兆甲六品軍功張鳳翔生員朱炳南田家豐武生嚴毓彩焦開第等俱永昌人皆團長戰賊於夾河灘力盡死之

郭應元永昌人賊去人撿其尸見應元一手握賊髮一手執石立而死賊尚有殘息而不能動

郭 英永昌人收祖屍刺賊陣亡

尙 齡永昌人闔門罵賊遇害

柴鶴壽永昌人莊破護其祖某不去被難

許仁蔣梓楊得貞俱永昌人賊盤踞山內水道斷絕東鄉一帶苗至枯槁人至渴死仁等率十餘人修壩洩水盡死之內有楊十三者手舞長刀有力善戰賊素知名至是困圍中欲降之令衆曰毋

傷楊十三活擒之十三執刀大戰手刃四十餘級賊中有怒楊三者暗發一槍十三遂斃賊酋殺發槍者祭十三詢進山故知爲水後賊拔營去水道始通

劉克勤古浪人嘉慶己巳武舉以軍功洊擢古北口營參將奉調征勦髮逆奮勇陷陣與賊持久矢盡而亡奉旨給熙朝虎將匾額襲騎都尉世職入祀昭忠祠

孫耀文古浪黃羊川人有膽略賊亂常枕刀寢同治三年充團總四年七月逆首楊文治蹂躪涼郡西東耀文會文生王肇元軍功毛榮川等敗之於圓墩子十月又敗之於空心墩賊切齒十一月初四日徑撲黃羊川耀文持短刀出入賊隊者數皆辟易旋大股兜圍耀文揮衆衝殺賊死傷相枕藉耀文死亂軍中同時王肇元毛榮川俱戰死

甘肅新通志

卷七十一

人物志 忠節二

五十八

巨啟芳平番苦水堡人同治初河狄回叛啟芳練團自衛村堡三年十二月初七日賊突由初步溝擁出啟芳督衆截擊於溝口槍礮齊施賊多仆俄大股至又擊又仆自辰至未賊仍死鬪啟芳乃率壯健百餘人自後山馳下賊始敗啟芳立山坡腰猝中槍昇至家歿是役也檢賊屍一百九十四具得馬一百二十四匹遺械無數賊自是不敢復犯

施能豐平番人充督標兵咸豐閒應調勦髮逆後勦西甯黑城逆又擒刀匪李西番皆有功同治初河回煽亂能豐自齎糧同魯土司土番兵丁防守河口屢挫賊鋒饒道以通三年七月隨果勝營副將胡飛鵬與賊戰於朱家山奮勇奪卡猝中礮子陣亡時年五十有八

周鋒先平番紅城堡人性剛直與監生康謙同充團總所練勇皆

精壯同治四年五月逆回入縣境鋒先同謙督勇破之於秦王川
十月賊句散匪出擾又大破之於界碑灘先後斬馘千計拔出難
民數百人繼護糧運又搜樹兒灣搶匪盡殪之並數於青寺蒿灘
高岑等處遏賊歸路疊獲勝境賴以安五年四月有賊由山口出
攻青寺堡鋒先選勁旅五百餘往擊之見旗幟竄入山谷鋒先追
至山口伏賊突起圍數市鋒先憤甚徑奔賊隊斃賊三十餘力竭
與練勇四百餘名俱歿於陣

郭建猷平番夾溝人嗜古劬學暇時教子弟擊刺鄉人爭習之因
練勇數百與打魚溝團約互爲援同治四年陝回楊文治據裴家
營往來擄掠建猷率兩處團勇堵禦賊屢受創戒不入境八年五
月建猷往別業觀稼子姪盡出耕耘突有健兒五六人來乞食建
猷方盤詰間又十數賊踵至遽出利刃叢刺死

甘肅新通志

卷七十一

人物志 忠節二

五十九

潘積功西大通人額外外委光緒二十一年與賊戰力竭死之
涼州駐防廂黃旗生員領催阿爾芳阿武生馬甲噶爾罕馬甲喜
祿 正白旗廩生領催恭順繙譯生員前鋒祥福武生馬甲罕札
馬甲格琿額札蘭泰清亨雙喜多喜 廂白旗前鋒慶福馬甲拴
祿果仁布琥色德訥爾錦玉林格渾達渾布噶郎阿拴林 正藍
旗前鋒達炳阿馬甲綉惠那爾渾吉陞訥莫精格祥連得新薩杭
阿喜祿奇成額善慶慶祿 左翼蒙古馬甲廣順連喜都魯罕常
祥圖郎阿烏琳達哈蘇琳保保成 正黃旗馬甲清春鎖全富林
占恆 正烏旂領催增喜武舉馬甲懷亮馬甲成順廣慶海佑郭
仁布占福 正紅旗前鋒福有馬甲全保興福克們賡音布富保
常喜合爾賡布 廂藍旗馬甲穆璫阿該哈蘇常山祥壽富勒敦
得海得奎 右翼蒙古武生領催順通武生馬甲倭克精額馬甲

達哈布馬甲吉成武生馬甲德成額均於咸豐三年九月奉派征
教匪在深州陣亡

廂黃旗武生馬甲文惠馬甲志保阿璞璫阿圖克炳阿王成他欽
布明通薩哈布全興剛安布佟興興瑞果呢音布果金布台斐布
貴祥祥成 正白旗六品軍功馬甲敦安繙譯生員馬甲增順馬
甲德春增林訥穆錦明喜富勒德恩布佟喜秀奎松年西拉罕泰
烏拉西冲阿恆仁 廂白旗武生領催文興武生馬甲全安什特
渾馬甲那爾圖瑞英達哈布全亮乾齡富倉博勒合春瑞興瑞祥
存喜新春他爾哈春扎倫泰常壽巴彥 正藍旗領催百祿武生
馬甲百惠馬甲新成馬甲多隆阿博多歡色成額百成那玉秀明
官慶謨爾清額常春倉福連福善福訥勒清額訥莫音富恆舒恆
林春慶喜愛隆阿雙慶 左翼蒙古領催玉明馬甲恆瑞七什馬

甘肅新通志

卷七十一

人物志 忠節二

六十

甲明喜惠連科璞通武保明海拉春巴哈胡敦布文元玉祥烏隆
阿瑞祥都爾孫興福玲祥連奎海興 正黃旗武生馬甲博勒卓
歡祥雲惠春馬甲富拉渾靈玉百福佟連色璞昇額祥林富秀吉
拉渾奎順志德庫們泰巴哈布訥清額和伸泰清雲瑞福 正紅
旗領催貴德武生馬甲廣英馬甲明海馬甲穆圖哈佛呢音布書
祥百起成齡克柯色布存福魁祥善慶順喜托雲布慶平諾爾圖
廂紅旗武生馬甲奇克敦慶倫文常馬甲他欽布多仁布佛爾
果春祥貴成祥佟貴胡敦常明豁倫泰興祿保安富書圖奇奔
廂藍旗武生馬甲連瑞祿年明瑞馬甲德倫蘇圖堪廣泰哈蘭布
玉祥志平有福諾們瑞志清祥庫蒙泰 右翼蒙古六品軍功領
催德元祥順祥奎馬甲蒙温布林德文連岳索布達靈阿亨通貴
成元英額特賀扎倫布額勒冲額武生前鋒順明均於同治元年

十月奉派出征靈州回匪陣亡

廂黃旗馬甲景泰咸豐三年十月奉派征教匪在靜海受傷死

廂紅旗馬甲訥蒙額 廂黃旗克柯僧額均於咸豐四年二月奉

派征教匪在阜城陣亡

廂黃旗烏勒西合恩咸豐四年四月奉派征山東冠縣教匪陣亡

廂白旗馬甲圖薩布雙福慶貴多冲武斐仁 正藍旗馬甲訥清

阿 正紅旗藍翎六品軍功馬甲奇成額馬甲達桑阿 廂紅旗

馬甲訥爾春布訥音 廂藍旗馬甲瑪魯堪賞那布增福 右翼

蒙古馬甲元春前鋒海洪阿均於咸豐五年二月奉派征山東教

匪在馮官屯陣亡

正黃旗馬甲同春廂紅旗馬甲慶瑞均於咸豐五年二月奉派征

山東教匪在馮官屯遇賊受傷亡

甘肅新通志

卷七十一

人物志 忠節二

六十一

毓 秀涼州滿營佐領同治元年十月閒督兵赴甯夏府靈州剿
賊兵至胡家堡與賊力戰被創陣亡事 聞優卹如例

廂黃旗馬甲阿隆阿哈金布 廂白旗文生馬甲平德武生馬甲

達倫泰馬甲岳松武馬甲玉恆阿坤布 正紅旗武生馬甲春恆

馬甲瑞保諾穆渾布 廂藍旗馬甲松林祥昇 右翼蒙古文生

領催年常阿馬甲烏努春烏林馬甲佟喜恆玉豁欽布均於同治

元年十一月奉派出征平羅回匪陣亡

正白旗武生馬甲富安同治元年十一月奉派出征平羅回匪戰
敗身受刀矛傷十九處死之

廂黃旗領催喜玉馬甲托克托布松林馬甲穆克登額步甲祥雲

哈欽布 正白旗馬甲保秀武生步甲穆特賀步甲勒福步甲佟

興 廂白旗馬甲察倫泰 正藍旗武生馬甲那斯渾馬甲扎芳

阿蘇春布烏忠額步甲佟瑞 左翼蒙古武生前鋒祥奎馬甲達
春布佟春馬甲文星壯丁玉連 正黃旗馬甲佟順 正紅旗馬
甲綽哈布廣惠連奎 廂紅旗馬甲定祥常有步甲巴克欽布
廂藍旗馬甲祥德平慶壯丁貴芬 右翼蒙古馬甲順恆官福庫
訥孫步甲那拉冲阿均於同治二年十月奉派出征靖遠回匪陣
亡

廂黃旗武舉領催固呢音布六品軍功馬甲蘇爾格訥志貴馬甲
志慶連慶穆倫布吉祿 正白旗六品軍功領催成順六品軍功
馬甲吉拉哈春七品軍功馬甲色璞清額隨得穆精阿馬甲精明
馬甲都倫布成喜賡伊通阿和楞布保亮興志興善勒祿烏冲阿
廂白旗武生領催常玉領催諾蒙額武生前鋒景安武生馬甲
色勒春扎拉杭阿愛星阿馬甲百齡喜善七什喜亮克仁泰達新

甘肅新通志

卷七十一

人物志 忠節二

六十一

布增福哈璫阿岳璞清武達春布 正藍旗領催佟慶前鋒阿那
渾占馬甲秀元馬甲俊秀佟祿百魁 左翼蒙古武舉領催吉勒
罕文生領催貴保六品軍功馬甲泉山明順興奎六什七品軍功
馬甲得福景安案德武生馬甲多隆額馬甲興連 正黃旗六品
軍功領催恩奎六品軍功前鋒連城色璞興額六品軍功馬甲忠
祿七品軍功馬甲全靈額勒根布繙譯生員馬甲恩慶馬甲富康
富忠馬甲瑞喜玉祥沙渾雙德富安興惠 正紅旗六品軍功領
催他清阿海瑞前鋒阿拉金布武舉馬甲景慶六品軍功馬甲發
豐阿繙譯生員馬甲春魁馬甲何吞布喜常喜成常忠色成額扎
克坦布成英成喜多祿多壽 廂紅旗六品軍功領催額勒清額
六品軍功前鋒保興武舉馬甲常魁七品軍功馬甲慶壽景元繙
譯生員馬甲慶岱馬甲訥清額福安如順玉林春喜景瑞色克唐

阿那爾洪阿額勒琿額喜慶豁倫布常福慶林 廂藍旗六品軍功馬甲容慎馬甲對林 右翼蒙古領催薩炳阿七品軍功馬甲那拉賞阿百福七品軍功馬甲壽祺馬甲達倫布貴恆均於同治二年十一月奉派出征甯夏回匪陣亡

正紅旗六品軍功委驍騎校領催訥蒙額 廂紅旗六品軍功馬甲慶秀 左翼蒙古六品軍功步甲固隆額 右翼蒙古六品軍功步甲廣福 廂藍旗六品軍功壯丁康祿 廂白旗七品軍功壯丁瑞福均於同治二年十一月奉派出征靖遠回匪陣亡

正白旗領催毓通同治二年派赴陳牟莊防剿行至九百戶地方遇賊被害

正藍旗前鋒恭恆 廂白旗馬甲常齡均於同治三年八月從署靖遠協穆某征固原回匪陣亡

甘肅新通志

卷七十一

人物志 忠節二

六十三

廂黃旗武生馬甲訥福馬甲祥德 正白旗馬甲芬琛太 廂白旗馬甲舒貴 正藍旗武生步甲多順壯丁官順 左翼蒙古馬甲存興與順烏齡阿武生伊罕布 正黃旗馬甲平春六品軍功壯丁鳳喜 正紅旗領催多福馬甲占魁慶林 廂紅旗領催發克錦馬甲清瑞祥慶六品軍功馬甲額勒沖額 廂藍旗馬甲清勝烏賀布玉貞 右翼蒙古馬甲哲爾吉阿蘇清阿烏隆隆懷他哈六品軍功馬甲慶玉文生馬甲順成均於同治三年九月奉派出征靖遠回匪陣亡

廂紅旗馬甲常連同治三年十月奉派赴靖遠馬鞍橋偵探遇賊被傷

正黃旗壯丁明智同治三年十一月奉派赴靖遠陣亡於東關
正黃旗馬甲玉順 廂白旗馬甲奎祿均於同治四年五月奉派

出征中衛回匪陣亡

拴 林涼州滿營協領同治四年五月閒督兵剿賊行至甯夏中衛縣勝金關平橋與賊接仗陣亡事 聞優卹如例

廂黃旗武生馬甲岳喜馬甲佛合楞布壯丁查良阿壯丁惠靈

正白旗馬甲岳春 廂白旗文生領催文惠武生馬甲按慶喜廣

馬甲富爾松額雅清阿訥清泰武生步甲也克丹步甲吉林 正

藍旗馬甲訥音步甲葉清額 廂藍旗馬甲鐵林秀魁 右翼蒙

古馬甲志喜均於同治五年四月陣亡府城十三里堡

廂黃旗馬甲阿克敦 廂白旗武生壯丁愛雲布 正藍旗礮兵

烏密葉孫均於同治五年四月奉派赴府城運糧遇賊被殺

正藍旗前鋒多祥同治五年四月奉派赴府城十三里堡偵探遇賊被害

甘肅新通志

卷七十一

人物志 忠節二

六十四

正白旗六品軍功前鋒保興 正黃旗六品軍功馬甲靈海均於同治五年四月陣亡府城城外

廂黃旗六品軍功馬甲博勒豁馬甲阿克敦 廂白旗六品軍功

領催達欽布馬甲富連 正黃旗六品軍功祥貴 廂紅旗馬甲

景祥 廂藍旗六品軍功馬甲玉多均於同治五年四月奉派赴府城十三里堡等處偵探被害

正黃旗七品軍功前鋒慶福同治八年正月奉派赴京賚摺六月

至額勒蘇臺遇賊被害

正藍旗馬甲慶惠同治八年十月奉派赴京賚摺至九年六月行

至克特湖遇賊被害

全 祿涼州滿營防禦同治二年十一月閒督兵赴甯夏剿賊被創陣亡事 聞優卹如例

胡克慎涼州滿營防禦同治二年十一月閒督兵赴甯夏剿賊被創陣亡事 聞優卹如例

舒爾格訥涼州滿營佐領同治二年十一月閒督兵赴甯夏剿賊被創陣亡事 聞優卹如例

吉拉罕字樂亭涼州駐防旗人咸豐辛酉武舉奉調隨協領拴林征甯夏叛回陣亡事聞議卹如例

正白旗領催毓平 右翼蒙古領催達哈春均於同治十年五月奉派赴四川山西等省領饟行至大靖遇賊被害

右翼蒙古馬甲岳興額廣祿均於同治十年十二月奉派赴古浪防堵遇害

廂黃旗前鋒祥壽馬甲恩特靈額 正白旗馬甲多魁 廂白旗馬甲貞元 正藍旗馬甲多隆武 右翼蒙古六品軍功前鋒全

甘肅新通志

卷七十一

人物志 忠節二

六十五

亮馬甲春祿長壽 正黃旗馬甲清玉 正紅旗前鋒百慶馬甲

達哈春 廂紅旗前鋒雙元 廂藍旗馬甲常志 右翼蒙古馬

甲烏什哈均於光緒二年正月奉派出征瑪納斯回匪陣亡

固呢罕涼州駐防旗人咸豐辛酉武舉隨征瑪納斯城陣亡

左翼蒙古馬甲寬玉裕奎均於光緒二十一年九月奉派征河湟

回匪陣亡 以上陣亡諸官兵事 聞議給卹銀并雲騎尉世職

襲次完時給予恩騎尉世襲罔替

甘州府

唐烏承恩張掖人天寶末爲信都太守河北諸將欲迎承恩鎮常山承恩以無詔命不從及史思明降上以承恩爲范陽節度副使令陰圖之謀泄爲思明所殺

明丁 鐸張掖人以甘州後衛指揮使守禦高臺所成化中北虜入寇力戰死之

路 保甘州衛人中衛百戶嘉靖三年回賊寇甘州堡寨多破保固守畢家堡賊攻圍旬餘援救不至堡陷被執磔死

王 杞嘉靖三十八年大虜跳梁從軍北伐奮勇爭先爲虜所困矢盡力窮誓不降賊遂同主將仗義死節

謝 詔萬厯閒陞高臺遊擊時黃草壩清水堡強虜肆掠詔率兵從楊旗堡水關口堵禦之身入重圍矢盡力竭外無救援捐軀報

甘肅新通志

卷七十一

人物志 忠節二

六十六

國恩賜都督

史尙敬指揮僉事流寇抵城以孤軍奮戰死之

王 正千戶賊至度不克全舉家五口自焚死

葛 永甘州衛人崇禎閒以隨征參將調河南勦流賊永有威名賊呼爲葛鷄子援兵不至被害

高國恩甘州衛人崇禎閒以行都司奉調河南勦賊每臨陣奮勇先登力竭被執不屈死之

歐陽袞甘州衛人官副將崇禎十六年冬月李自成犯臨洮總兵黃應選棄城遁袞誓死守奸弁有獻城者袞閉妻孥十餘口於寓縱火焚之父子巷戰力竭被擒見賊首賀思賢等其子有懼色袞大呼曰吾兒不可爲賊屈因握其子手罵賊不絕口賊殺之頸斷而手未分

段自宏字海若甘州衛人知山西垣曲縣有清望已行取竟辭疾歸闖賊犯甘宏捐貲饗士與郡紳羅俊傑同守西城城陷被執罵賊自刎死

童志道甘州衛人官靖遠衛教授致仕歸闖賊陷衛城志道肅衣冠端坐賊至遇害著書見藝文目錄

高登科甘州衛人授行都司城陷被執不屈死之

趙 宦甘州人累官總兵致仕歸年八十餘城陷入火中自焚死

萬 峒甘州衛人撫標遊擊同巡撫林日瑞守城殺賊甚衆城陷戰死於市賊恨之磔其尸

姜宏基甘州衛人官屯都司闖賊陷城罵賊不屈死之

張 攀甘州衛人仕至甘州副總兵崇禎十六年闖賊攻陷甘州被執不屈死之全家殉難 國朝乾隆四十一年 賜諡烈愍

甘肅新通志

卷七十一

人物志 忠節二

六十七

姚世儒甘州衛人官鎮標營都司闖賊陷城率衆巷戰力竭自焚死

劉國棟甘州衛人官固原副將子燦任千總城陷父子率親丁巷戰殺賊甚多力竭一門俱焚死

趙宗禮甘州衛人官遊擊年七十餘解任家居賊陷城僕欲負其幼子金剛保以逃禮曰設不得脫必爲賊隸遂手刃之閤家俱焚死

趙宗祝甘州衛人同子采俱官指揮城陷父子率家丁巷戰力竭命妻妾投繯死父子俱自刎

楊 威甘州衛人官甯夏洪廣營遊擊慧直不阿因忤當道解任歸闖賊陷城被執罵賊斷喉折脛而死

姚天寵甘州衛人官指揮闖賊陷城率家人迎戰被執閤家放火

目焚死

張洪勳甘州衛人官指揮闖賊入城躬披甲胄率家僮巷戰殺賊無數力竭自焚死

王嘉官甘州衛人官指揮賊入城持弓矢登屋射殺賊數十人賊率百餘衆圍攻遂自刎

李汝璋甘州衛人官阿壩營遊擊致仕回籍闖賊入城同子起鳳集鳳祥鳳射賊俱被殺

朱文選甘州衛人練兵守備闖賊至調度守城大有方略城陷同貢生張之衡縊死於茶馬司署中

李棲鷗甘州衛人官指揮闖賊入城披甲躍馬突出衝戰殺賊甚衆力竭自刎

羅俊士俊傑弟闖賊陷城被執遇害

甘肅新通志

卷七十一

人物志 忠節二

六十八

郭秉忠羅俊傑家將闖賊入城秉忠手提大礮擊傷賊首數人被執罵賊遇害

張之衡甘州貢生善射賊至盡力守城射傷甚衆城陷同朱文選縊死茶馬司署中

保獻書甘州衛貢生賊至掘壕守城及城陷被害

張聖翼甘州衛生員闖賊至城陷被害

蔣明理甘州衛生員賊圍城巡撫命理同貢監生員百餘人四面提調堅守城陷被害

童士楷甘州衛生員城陷被執極口罵賊不屈死

康萬秋甘州衛生員獻策巡撫林日瑞協同守城後與妻段氏同縊杏樹下舉家七口殉節

丁 綸甘州衛生員闖賊入城罵不絕口賊怒縛於西街坊柱炮

烙而死

康國新甘州衛生員獻平寇十餘策悉中機宜城陷被執不屈被害

費國興甘州醫士賊入城陰製藥酒毒賊賊覺被執死之

陶萬國萬柱俱甘州衛人一千戶一百戶流賊賀錦圍城東北隅

舊垣頽圯萬國兄弟架木爲鋪樓仗烏槍死守賊不敢近月餘賊

潛伏火礮置火藥於樓下夜半礮發骸骨飛空莫知其處

祁士英甘州人闖賊陷城率衆執兵殺賊力竭回家同妻子自焚死

馬騰錦甘州人闖賊陷城騰錦殺妻武氏抱二子投火死

梁進德甘州掾吏闖賊陷城登樓發矢射殺數人矢盡自刎死

周公臺甘州人闖賊陷城戰賊力竟同妻子自焚死

甘肅新通志

卷七十二

人物志 忠節二

六十九

陳通法甘州人闖賊陷城通法積薪於宅待之隘巷殺賊數人舉家自焚死

郭世傑甘州人闖賊陷城持刀而出格殺數十人力竭赴家殺妻復出擊賊遂被害

國朝苗永會甘州人官古浪把總戰歿塞外有威德軍民建祠祀之
李宏鑒張掖人康熙丙午武舉甘州提標遊擊從征吳三桂力戰陣亡

高天福張掖人官提標守備從征噶爾丹至哈密命招虜虜脅天福降天福怒罵虜憤甚支解之事聞 賜卹並蔭一子

康 泰張掖人起戎行從征西藏數陷堅陣他日敵羸師誘之至哈喇烏蘇陷伏中力鬪而死 賜卹蔭葬祭

康 海泰弟也與泰材武齊名並事振武將軍從征噶爾丹屢著

勳績以積多晉涼州總兵康熙五十七年與泰並陷伏中兄弟殉國 賜賚並同

劉芳雨張掖人肅州清水營都司雍正八年出征準噶爾力戰陣亡 贈蔭世襲雲騎尉

徐 賓張掖人提標右營守備乾隆十三年出征金川立功七月病故乃當山以二品軍功給子文相七品監生

石 寅張掖人涼州鎮右營把總乾隆二十年運糧西路遇賊力戰陣亡 賞卹如例

楊朝柱張掖人甘州提標前營守備乾隆二十一年十月赴西路軍營解馬至克什兔遇賊力戰陣亡事 聞賞卹如例子如俊衛千總

張有賢張掖人西甯鎮札把堡千總乾隆二十一年運送西路牛

甘肅新通志

卷七十一

人物志 忠節二

七十

羊遇賊力戰陣亡 賞卹如例

楊玉柱張掖人提標前營經制外委乾隆二十一年解運西路馬匹至克什兔遇賊力戰陣亡 賞卹如例

宋士印張掖人涼州鎮左營千總乾隆二十三年出征回部在葉爾奇木陣亡 賞卹如例

王成玉張掖人西甯鎮前營把總乾隆二十三年出征西路回部力戰陣亡 賞卹如例

徐天成張掖人甘標大馬營把總乾隆二十四年運送阿克素口糧遇賊力戰陣亡 賞卹如例

李友普張掖人甘州提標後營把總乾隆二十八年派喀什噶爾駐防三十年六月進剿烏什力戰陣亡 賞卹如例

辛大用張掖人四川提標左營遊擊乾隆三十七年出征金川攻

打七星碛力戰陣亡 賞卹如例

劉 彩張掖人甯夏花馬池千總乾隆三十七年出征金川攻打空碛山力戰陣亡 賞卹如例

陳玉琳張掖人西甯鎮標右營把總乾隆三十七年出征金川在資里寨力戰陣亡 賞卹如例

王振海張掖人甘州提標左營把總乾隆三十七年征金川九月在木陽岡力戰陣亡 賞卹如例

馬進寶張掖人甘州提標中營經制外委乾隆三十七年征金川十二月攻打木了山陣亡 賞卹如例

張孝廉張掖人甘標城守營把總乾隆三十七年出征金川七月在木果木沖失利陣亡 賞卹如例

黃文彪張掖人甘州提標前營經制外委乾隆三十七年征金川

甘肅新通志

卷七十一

人物志 忠節二

七十一

七月在木果木沖失利陣亡 賞卹如例

劉見清張掖人甘州提標中營把總乾隆三十八年征金川正月在達爾圖力戰陣亡 賞卹如例

孟大德張掖人甘州提標中營經制外委乾隆三十八年征金川三月攻打日旁力戰陣亡 賞卹如例

趙 輔張掖人甘州提標左營經制外委乾隆三十八年征金川三月攻打日旁賊卡陣亡 賞卹如例

王 鉞張掖人甘州提標左營經制外委乾隆三十八年征金川三月攻打日旁賊卡陣亡 賞卹如例

馬 禮張掖人甘州提標左營經制外委乾隆三十八年征金川閏三月攻打日旁賊碛陣亡 賞卹如例

張秉義張掖人甯夏鎮鎮北堡把總出征金川乾隆三十八年四

月在日旁力戰陣亡 賞卹如例

楊文舉張掖人甯夏鎮玉泉營守備出征金川乾隆三十八年六月在木果木陣亡 賞卹如例

徐 彪張掖人甘標後營經制外委出征金川乾隆三十九年六月攻打達爾圖陣亡 賞卹如例

連國柱張掖人甘提標右營經制外委出征金川乾隆三十九年十一月赴沙巴山截殺賊人陣亡 賞卹如例

馬 文張掖人甘州提標中營千總乾隆四十年征金川在碾占力戰陣亡 賞卹如例

向 貴張掖人甘州提標前營千總乾隆四十年征金川在厄爾替力戰陣亡 賞卹如例

馬守倉張掖人甘州提標後營千總乾隆四十年征金川二月攻

甘肅新通志

卷七十一

人物志 忠節二

七十一

打遜克爾宗等處力戰陣亡 賞卹如例

曹玉亮張掖人甘州提標前營經制外委乾隆四十年征金川四月攻打巴色施陣亡 賞卹如例

魏 廷張掖人甘州提標中營經制外委乾隆四十年征金川五月攻打遜克爾宗陣亡 賞卹如例

徐文祿張掖人甘州提標左營經制外委乾隆四十年征金川七月攻打石真噶陣亡 賞卹如例

海玉柱張掖人甘州提標右營經制外委乾隆四十年征金川八月攻打沙巴山梁陣亡 賞卹如例

屈必成張掖人延綏鎮標右營把總乾隆四十年出征金川十二月攻克斯當安納木底力戰陣亡 賞卹如例

范履貞張掖人補甘標後營守備署都司咸豐初以髮逆之亂率

甘州兵二次出征至江南遇賊於安慶之三河集賊甚衆且悍履
貞戰頗劇卒以矢盡援絕勢不敵乃授所佩刀於一卒曰汝將此
歸語吾子須矢志報 國繼父志語訖投江死事 聞賜卹如例
子廷虎材武絕倫以廕補都司至今甘人士慕其風節號所居廬
里爲都司街

范履亨履貞兄由行伍洊升固原提標游擊平日善撫士卒咸豐
五年經 欽差大臣勝保調赴山西平陽府勦賊是年八月在洪
洞縣之窪莊力戰陣亡事 聞賜給雲騎尉世襲罔替

劉奉法甘州人同治初河州城守營把總城陷死東城

某步兵張掖人同治四年三月初七日甘城回變民團圍攻賊甚
急賊力不支將由北門竄走時城門已封閉步兵守之賊持刀喝
令開鎖步兵曰未奉長官命且汝反賊不敢縱汝出也強之不屈

甘肅新通志

卷七十一

人物志 忠節二

七十三

賊怒斫步兵首落地猶手抱關鎖挺立不仆

白宏覽本河南回民寄籍張掖同治四年甘回謀逆白日夜偵探
卒發其謀三月初七日團總舉人鄒璠督團進勦賊遂失利保全
甘民白之力也洎賊退白自縊死

魏 珩張掖盈科渠長安聞人同治四年回匪圍莊勢急縱火自
焚燒斃全眷三十餘口珩猶罵賊不屈中槍而斃

李成美張掖舉人涇州學正李蔭桂之父也同治四年被賊執大
罵不屈賊以予刺洞胸而死同時被害者有王興豐死亦甚慘

鄒 璠字子璵張掖舉人性慷慨嘗主甘泉書院講席其學以實
踐爲歸同治間回亂甯夏肅州相繼淪陷甘州回族聞風思變時
提督出征金積堡標營無兵無將戰守兩不足恃郡城岌岌可危
璠憂甚乃倡練民團甫數月聞謀逆期已迫曰事急矣不早圖之

禍將不測密商參將某約期共舉參將尙游移持兩端而璠計已決遂於四年三月初七日糾集民團圍攻賊所踞之大北街賊勢殊兇悍璠指揮民勇自辰至酉戰頗力賊不支始焚室奪門走而城獲無恙是役也民勇戰死者四五十人璠中矛傷尋卒至今父老談及猶墮淚

柴登科張掖大古浪渠人充堡總賊圍之擊傷賊首堡陷屠戮甚慘登科舉家十七口並堡民死者三百餘人

吳履端張掖生員甘民初起團調度有方時南山賊出攻東樂求援履端督團往救寡不敵衆卒致陣亡同死者百餘人

任聰張掖大古浪渠金家堡堡總同治閒回匪擾亂攻破村堡無算獨金家堡堅守無恙皆聰調度之力也提督楊占鼈獎以軍功積勞病故

甘肅新通志

卷七十一

人物志 忠節二

七十四

高英東樂人提標都司嘉慶四年出征四川教匪力戰陣亡
賞卹如例

張存善東樂人由武舉官永臺把總歷陞漢中鎮屬都司咸豐十年出征髮逆陣亡 賞卹如例

楊正華東樂人庠生設塾課讀成就甚多兼長於武藝同治四年回賊陷東樂城巷戰力屈被殺

何世鼎東樂海臺人同治八年回逆入村度不能支聚全眷五十餘口於樓上焚死子存憲存慈被執見害一門殉難

韓建基東樂六壩人同治八年八月回逆突至閤家死戰力竭被執罵賊見殺男女死者二十餘人

喬登書東樂庠生同治九年回逆陷六壩堡率子弟巷戰親運甌石禦賊力竭被殺

楊如槐東樂六壩人同治九年回逆圍堡親運甄石督戰尤力被執見殺

武洪龍東樂六壩堡堡總同治十一年禦賊於堡南閘壩中被執斷喉折脰而死

王居德東樂六壩堡堡副同治十一年同武洪龍禦賊於堡南閘壩中被執見殺

楊宗道山丹武舉嘉慶二年從征川楚白蓮教身冒矢石爭先力驅賊憤支解其屍 賞卹如例

徐世伯山丹人嘉慶三年以千總從征川楚兵進孟什嶺被賊困圍陷險盡節 賞卹如例

楊伏國山丹人以守備從征川楚兵進孟什嶺遇難死節 賞卹如例

甘肅新通志

卷七十二

人物志 忠節二

七十五

田如岡山丹武舉同治四年十一月初旬賊出南山率衆禦之力戰勢屈被執而死

楊發榮山丹人由恩騎尉官提標前營千總護理峽口營都司峽口爲山丹要隘接壤南山逆回伏其中同治七年九月初四日夜賊衆自山後來襲時堡牆北面久缺發榮與經制竇鎮海率民勇堵禦賊已從缺口入發榮戰死鎮海亦死事 聞優卹如例

趙允密山丹貢生年六十餘同治八年賊陷堡允密率弟武生允武暨子姪力戰斃賊數十人力窮被執怒罵賊炮烙之噴血罵益甚賊憤挺殺之弟與子姪俱戰死同時殉難者三百餘人

陳作新山丹庠生同治八年賊至率衆登陴勉以忠義死守二日擊賊甚衆力竭堡陷遂自刎妻子亦殉難

趙允耀山丹團總精武技同治八年堡陷力戰逾二時格殺五六

十人中礮而死

王殿士山丹人同治九年十月初九日夜賊從縣城東北隅蟻登
焚城樓三層火光燭天賊斬東門而入殿士率團力扼二壩橋奮
力死戰逾二三時賊不得進味爽賊始退殿士中礮身亡帶傷三
十餘處死猶怒目相視手尙捉賊白帽二頂

肅州直隸州

明楊翥肅州參將征北虜陣亡又都指揮吳釗亦於洪武十六年八月陣亡

胡麒本衛指揮鎮肅州正統十四年賊攻臨水堡麒率千戶來斌楊祥百戶朱安陳五王貴蔣忠崔達等追至永勝墩對敵陣亡
鍾振鎮番都指揮景泰元年二月追虜至內花兒地方力戰陣亡

董和鎮番千戶宏治十年賊黨出沒隨參將劉勳追賊至昌平三墩對敵陣亡

黃義百戶宏治十年回逆犯邊統兵隨中軍劉忠追賊至北沙窩地方陷陣身亡

劉瑞田志深俱百戶瑞於宏治元年胡虜侵沒邊界統兵追賊陣

甘肅新通志

卷七十一

人物志 忠節二

七十七

亡志深於正德五年隨中軍鍾紀追賊至石峽墩地方對敵陣亡
芮甯本衛人官遊擊將軍正德丙子吐魯蕃速壇速兒入寇肅州甯率千戶許釗百戶張璽吳英陳泰王忠劉威等至黃草壩與賊對敵賊衆我寡自朝至暮矢盡甯中流矢死之全軍陷沒事聞贈甯都督同知世襲指揮使恩賜葬祭立襄愍祠餘祀忠勇祠
陳進鎮番千戶正德十四年隨甘肅總兵柳湧截賊至新河地方對敵陣亡

任虎百戶嘉靖八年回逆犯邊追至老鸛窩地方與賊對敵陣亡

司彥明百戶嘉靖三十一年南山西番搶殺人畜隨指揮姚仲孝追賊至中寨堡陣亡

王臣千戶嘉靖三十九年賊犯肅州同千戶邊威李相百戶梁

棟等隨參將許經追賊至三尖海子對敵陣亡

錢濟民百戶隆慶四年虜犯肅州統兵追賊至石頭莊歿於陣
董以忠千戶萬曆三十七年達賊擾犯南山與賊對敵陣亡

郇高陞字君特高臺人天啟元年拔貢崇禎十四年官直隸永平
府經歷司在任三載闖賊逼京師城陷主僕五人同死

國朝劉 義字方溪肅州人由舉人官玉門縣訓導卸任家居值回叛
義率民巷戰民潰歸家死之先是義官玉門時回酋藍積珍權靖
逆營千總素愛服義至是藍逆親來迎請義全家入東關義厲聲
呵去知藍逆勢衆恐來相強遂著公服同子貢生仕田及妻閤室
自焚比藍逆駕車來迎已不及矣藍逆望火再拜歎息而去

李殿元字惕菴肅州人父自榮生子三伯仲皆武舉殿元其季也
生時父官甯夏守備與道員吳玉衡善吳河南固始人四十無子

甘肅新通志

卷七十一

人物志 忠節二

七十八

一日過署聞兒啼索紉襦相之喜固乞爲己子及致仕以殿元歸
固始吳卒時殿元甫九齡及長審知身屬李姓凡遇自甘肅來者
訪問本宗具言父母已歿兩兄相繼亡無後亦無旁支庶心益痛
之嘉慶庚申攜一僕徒步至肅州則舊居已易數主乃往甯夏亦
無蹤可覓惟道署外園中有晉井土人稱爲哭兒井蓋玉衡以兒
南旋時生母攀井轆轤哭而送之後兩兄相繼逝母日坐哭井上
致瞽雙目坊人哀之故以名其井殿元求父母墓不得往來井上
或告以墓在肅州天山之麓乃復往審得其處除荆棘覆土樹碑
哭拜盡禮氣絕復甦者再於是呈復本籍應童子試入學食餼次
年人都貢成均某科報罷閱闈墨第五名三藝皆已作則場吏舞
弊割換卷面所爲乃棄帖括謁軍門願承其先伯蔭以守備職効
用道光六年隨征回疆中道病卒葬祁連山長子寶相隨父原姓

次寶卿改名卿穀字紅樵留嗣吳氏道光壬午領河南鄉薦第一乙未大挑以知縣分發四川其兄於十四年病歿乃赴部呈請亦復李姓咸豐四年卿穀官湖北按察使城陷死難停喪百二十餘日面色如生 賜諡愍肅

李孟羣卿穀長子年十八領鄉薦次年成進士官粵西靈川有政聲隨大軍討賊以戰功顯既而金田事起奉檄會辦馳驅嶺嶠及湘楚江皖間所向有功後授皖藩攝巡撫事以偏師扼長城糧盡援絕被執不屈僞帥陳玉成卑禮勸降孟羣厲聲罵之求死不得遂不食既念弟孟平亦被獲如可救不妨暫緩死乃告陳知陳爲徧查各營至第四日遣人告曰公弟已尋獲釋之歸矣乃作絕命詞四首有生無將略酬時望死有忠魂報 主知九泉拜父應含笑兩代清名萬古垂之句會陳邀與共食孟羣據碗擊之遂遇害

甘肅新通志

卷七十一

人物志 忠節二

七十九

事 聞賜諡武愍

任景禧字介五肅州人由附生官訓導權安西州學正嗣權涼州府學教授肅州陷隨黎軍來肅辦理軍務黎軍東撤景禧寄居高臺甘州提督楊某率師討賊以景禧爲鄉導贊理軍務後往南汎各堡督糧遇賊強脅進城不屈自縊

吳 澍肅州人官涼州守備同治閒派征秦州蓮花城一帶叛回復調省城差遣肅州陷總督委澍同都司楊天興赴肅相機辦賊至臨水澍欲撫賊緩圖楊欲糾合義勇調南山熟番練兵剿賊意見不合至二墩賊出城迎楊逸去澍與賊佯定約出告安肅道黎某即令金塔協兵四百餘人隨往甫入城四百人所執器械均被收去拘於貢院並拘澍中營官署已而懸澍於大樹下用火燻炙備極慘毒澍罵不絕口死子外委嘉謀及百戶徐進魁外委張秉

昶祁鳳鳴李茂張廷玉俱被戕四百人殲焉

馬 秀肅州人官都司權靖逆營遊擊聞肅州陷命千戶張維斗率兵救四鄉難民同治四年三月遇賊於州城北鄉之老鶴聞擊敗之誅戮甚夥駐軍老鶴堡賊集大股攻堡我軍槍礮轟擊斃賊尤多是時邑民流離乏食孤軍無援衆寡不敵秀見事難濟撤兵回玉門添募義勇適玉門知縣于某妻因夫殉難激義捐貲募勇數百名派家丁李玉華領之推秀爲主帥會集靖逆各營兵壯及郭良德等所領之勇丁合剿以千戶張大綸張維斗爲副賊出屢敗城北百姓賴以保全繼而王斌進關與黎軍分紮東西鄉賊屢爲北西二營所挫因有王軍如虎馬軍如狼黎軍如狗之言賊懼乃潛赴東營詐降黎軍墮賊詭計札諭北營不准擊賊令王斌退營塔爾灣賊謀旣遂於是晝夜攻撲東營黎軍不支十一月遁走

甘肅新通志

卷七十一

人物志 忠節二

八十

金塔賊轉向北攻秀奮力堵擊血戰多日忽中礮傷隕命大綸維斗代領其衆

侯建烈肅州人由武舉官左營千總同治四年二月回攻城陷兵潰建烈馳至赤金所時赤金回與肅回約定二十八日二更舉事建烈於途中遇偵賊究出奸謀即手刃之入堡見逆回寂若無事商之堡內各官均議俟夜動手建烈言不如即時動手衆遂依計立即勦滅盡淨赤金得全建烈之功也旋赴省見總督面陳肅城陷失情形迨返肅適黎軍來剿派建烈送諭回告示被賊脅入城中同外委王瀛武童黃榮壯勇杜得貴俱罵賊不屈死之

魏端齡字錫九肅州庠生同治初州城未陷時端齡受道員恆某密札團練鄉勇以備不虞城旣陷糾合邊山洪水城東戶勇謀克復賊出冲突戶勇潰散端齡力戰死之戶勇死者千餘人賊入莊

其母任氏妻任氏弟妻彭氏子婦曹氏姪婦張氏俱自盡

段 綬字亦師肅州生員性剛毅疾惡甚嚴勤耕苦讀年近七十
遇回變馳赴城下同魏端齡手執鐵矛擊賊死之同時死者又有
庠生劉登第謝希平監生郭生蕊農人郭宗仁

王以鈞肅州廩生受道員恆某密札爲城北團首回叛率北鄉戶
勇同喬秉年攻城被賊執入城中不屈死之

喬秉年肅州人糾集北鄉戶勇謀復州城爲賊所敗力戰死之戶
勇死者數百人

何鳳鳴肅州人同喬秉年率北鄉戶勇攻戰陣亡

趙克紹字光烈肅州庠生世居王子莊西壩聞回變即赴赤金請
兵救援時金塔協副將葉榮都司胡世祥怯莫不前僅令百戶徐
進魁帶兵六十名隨克紹出征克紹糾集金塔王子莊義勇數百

甘肅新通志

卷七十一

人物志 忠節二

八十一

名星馳赴義至臨水進魁逗留數日克紹率勇前進至二墩與東
鄉戶勇併爲一營駐紮頭墩三月初七日逆回率大股來撲我軍
敗績克紹被執大罵不屈死之諸生被執入城及戰歿者數人戶
勇死者千餘人

郭釗嘉肅州貢生倡義糾集東鄉戶勇會趙克紹駐紮頭墩見我
軍雖衆皆屬烏合以不教之師當新強之寇加以事權不一實難
濟事憤恨縊於軍中

張海涵肅州廩生率戶勇合趙克紹軍力戰被賊縛至城中備極
慘毒不屈死之其時文生魏修文田貴趙佩華武生姜福邦蕭立
成從九武廷俊農人閻雲章經制梁國治均肅州人皆戰歿於陣
党三仁肅州人充團長回叛率邊山各堡戶勇及番民千餘人會
營弁安有福等防禦與賊遇於牌路墩交戰半日我軍潰敗三仁

歿於陣戶勇番民死者十有七八

貢生王應謙弟庠生應瑞武生安學禮皆肅州人三人皆爲王斌文殊山辦理糧饟被賊攻破糧臺應謙應瑞均自焚死學禮被執入城爲賊所戕

郭嗣汾字子和肅州舉人安守賢州庠生嗣汾爲王權鎮督糧王子莊途遇逆回被戕守賢爲明統領赴南山督糧途遇賊亦被害張登甲肅州庠生明決善謀同治六年十二月逆回攻陷金佛堡堡民喪膽多被脅從登甲與文生段五倫張錫林等糾合壯勇數百名密會馬軍奮力擊賊輒大勝又以大義開導脅從者俱反正軍勢大振賊多撤隊入城馬軍賴以保全後楊提軍入城撫賊聽賊反閒計令登甲解散戶勇又捕之甚急登甲遂逃甘郡歲暮歸家省親中途遇賊遂爲所害

甘肅新通志

卷七十一

人物志 忠節二

八十一

楊 洪肅州人賊陷邊山各堡屢攻洪水營洪力排衆議設法禦賊輒獲勝夜與統領馬某運糧奸民洩機賊遂截奪其糧洪被執不屈死

武生程連環軍功白官寶俱肅州人回逆叛連環練勇助官兵討賊繼奉提督徐某調赴前敵運糧路遇伏賊截劫力不支遂被害官寶亦練勇助官兵勦賊屢著戰功

段五倫字敘堂肅州庠生長騎射習鳥槍不拘細行回叛時倡義練勇禦賊頗著戰功後回投誠復叛五倫練團禦賊保護附近居民徐軍駐肅因日需無出即解散歸農時所率戶勇王運通崔燕桂李順番民葉明等均勇敢善戰遣散後皆相繼爲賊所害

王以釗肅州人同治八年逆回僞降後各軍撤退防兵解散戶勇北鄉大小屯莊九十餘處無人統屬衆舉以釗與陳培桂爲河北

上下壩老總以釗曰往城中隨官辦理撫局未幾回復叛以釗集衆練勇力保闔壩賊攻李姓屯莊率衆往救衆潰死之

武生梁應魁肅州金石壩人同治五年九月賊入莊家有女及笄爲賊所掠應魁憤急直前捉賊女乘隙逃脫應魁遂遇害

賈天順原籍陝西人在州城爲商回叛時被執拷掠索銀勒贖備極慘毒百折不屈從容就死

魏國志字伯熙肅州貢生回叛命家人攜長孫萬善出逃以繼宗祀令子婦黃陳韓張四人及幼孫一人孫女六人俱投井死國志冠服拜木主從容自盡其子庠生德齡遐齡監生芳齡均殉難

謝景安字仁軒武廷樞字搖先王文鑑字凍川皆肅州貢生回叛景安與其妻子于氏同縊於室廷樞自焚其室投火死文鑑不受辱於賊自盡

甘肅新通志

卷七十一

人物志 忠節二

八十三

增生柴宗高廩生柴旭高肅州人兄弟也同治閒回叛兄弟二人率閭室自焚死

曹自明曹自植皆肅州庠生兄弟也同治閒回亂二人自焚其室率家人投火死之

武維周吏員貢生廷樞子也候選縣丞適回叛率衆禦賊於南巷衆潰死之

宋 儒字學山肅州人由本州考滿吏員候選典史回叛與妻趙氏自焚於室

醫學典科永華禮書穆清皆肅州人回叛永華率二子及孫媳清率家人均闔室自焚死

廩生崔操先車道通曹興第皆肅州人城陷三人皆殉難時城中同死者又有增生楊瀛吳緒宗王煥邦毛盛麟生員劉翰鵬張鴻

翔王志學盛長年張相卿殷尙質武生董士捷楊均李殿士王興業張翼軫王韶選魏思文王國楨田壽等

外委趙永安百戶趙玉恆皆肅州人永安退伍家居回叛力戰被戕玉恆權嘉峪關營千總據關竭力拒戰陣亡同時殉難者又有千總賈履中梁秀成世職劉士貞陸榮魏三寶馬福把總趙玉成韓盡忠馬慶成外委馬有恆王浩田開元銀隆邦雷振聲軍功董士凱冉廷銘馬慶來兵丁張永泰等

醫學典科王文斌王登輝國子監典籍魏瑜俱肅州人回叛俱被執死之同郡殉難者有從九陳九齡魏琪魏玠馬金綏金光裕魏學詩陳攀桂等

貢生陳豫納武生梁中選俱肅州人勤慎辦公有幹濟才同治間逆回叛亂佐官長辦軍需又團練戶勇堵禦賊衝以及各營之需

甘肅新通志

卷七十一

人物志 忠節二

八十四

索百姓之耕耘無不百計籌畫任勞任怨早夜奔馳未嘗稍諉知州李某深倚賴之賊屢攻撲勢甚危急豫納等督率團勇擊卻城卒保全

郭肇嘉肅州三墩里貢生同治四年二月肅城陷肇嘉督二墩壩練勇二百餘人及東北民團進壘北門外圖規復時逆黨潛屯沙家莊肇嘉謀於衆將攻之衆推肇嘉爲東北鄉團長協力圍賊會大雪賊礮不能發夜襲之殲悍賊三百餘獲軍械騾馬無數遂進屯城下乘銳攻城二十九日夜獵逆馬文祿等率黨入城肇嘉營適當其衝城中復出賊二百餘夾攻戰久不支大潰肇嘉退軍頭墩廟賊數攻均擊走然新挫後人心震恐營中數夜驚肇嘉憂憤鬚髮驟白自度儒生不諳兵法倘敗衄何以對父老遂自縊賊偵知之乘勢攻魏家莊破之生員魏修文趙春華等同戰死事 聞

俱議卹如例

段 英肅州西新渠人回匪叛英率鄉人築屯莊二所資捍衛遠近避難者咸歸之同治四年四月英子考文戰歿六年正月賊竄至西新渠英督勇迎戰不利歿於陣

郭錦嘉肅州庠生隨兄肇嘉辦民團管二墩壩糧局同治五年七月城內賊潛出攻二墩堡錦嘉率衆護糧身被五十餘創逮晚死郭鈺嘉肅州舉人維城堂姪有膽略充二墩壩農官肅城陷鈺嘉集流亡築堡二墩側資守禦並貸民糗糧牛種災黎賴以存活同治六年冬大軍初復肅城兵民乏食賊設伏扼險劫軍糧鈺嘉率民勇護運至三墩界遇賊伏鈺嘉及姪養善並民勇三十餘人同戰死賊斷鈺嘉頭擲於二里外其妻殷氏尋得其屍與首葬之

段 清肅州蒲草溝武生城陷時清年八十二率里中丁壯隨各鄉民勇圖規復會團勇屢失利團首郭肇嘉等以次敗沒賊益強曰以數十騎分捕四鄉之號召團勇者清被執入城繫之禮拜寺備歷諸苦清大呼曰我一武人耳年逾大耄復得死所何悲焉罵賊不絕口賊高其義欲釋之清終不屈遂遇害

鄭思義肅州人以市酒爲生好談節義城陷與弟思昭思明登樓罵賊已而痛飲大醉各衣冠拜木主自焚其居偕家人數口赴火死臨死時猶從容自題其樓曰節義樓

馬建勳肅州回民世居北城水池沿官肅州右營守備逆回之亂建勳見州城東街火起入白其母母曰我家世受 國恩義不從賊即命建勳衣冠北面叩謝畢蕪火焚屋閤家殉難死

王作綸高臺人服賈新疆罕東城好義不欺商民信服同治三年新疆回變大吏以作綸充各臺路團總練勇防守賊犯南路作綸

督衆奮擊屢挫之六月初賊率大股及纏頭約五六萬連陷數臺十六日攻破罕東城作綸率勇並難民數百出境擊勦兵敗被執大罵不屈賊鬻割之死時年六十四

賈蔚忠咸豐中歲貢高臺鎮夷人同治五年逆回入城蔚忠罵不絕口遂遇害子永入州庠見父遇害手刃仇賊亦被戕

田生蘭高臺毛目諸生幼嗜兵書遇事奮發有請纓擊楫之志同治四年二月賊圍肅州逼近毛目衆以生蘭爲團長凡戰守攻擊一師古法器械精良賊頗畏之五年十一月賊由東來乘河冰遂濟生蘭與副長武生萬人林率民勇孫守義邱鑑等沿河岸截戰勇潰人林邱鑑陣亡生蘭被執不屈刎目鉤舌而死同時擊賊死者百餘人

楊喜高臺毛目人軍功國治子同治五年十二月朔賊至境與

甘肅新通志

卷七十一

人物志 忠節二

八十六

其父倉卒奔散遂相失喜潛伏榛莽間聞父號泣聲喜急奔賊前匍匐乞救願以身代父死賊釋其父而殺之時年二十有五

賀廷耀高臺鎮夷堡武生同治六年九月二十六日夜賊登城廷耀奮身禦敵中槍彈死

閻中選高臺鎮夷堡武生同治六年九月二十六日夜賊登城中選聞殺聲四起倉皇攜予上城見北城玉皇樓被焚火光燭天賊勢猖獗自忖一人難敵城破徒遭戮辱遂下城投井死

夏承堯高臺武生同治八年賊氛逼近承堯集家人及鄉里男婦遷居墩垣與農官劉登甲倡義捐貲製軍器互相應援十月二十六日賊撲至墩垣承堯同叔登殿姪成立率衆發槍礮轟擊傷賊甚多賊怒連日環攻復駕雲梯承堯令拋石亂擊賊屢卻而圍攻益急二十九日夜賊乘衆疲燒墩門衆驚潰承堯起呼殺賊不勝

遂偕登殿成立赴火死登甲等殺賊力竭亦陣亡同時殉難者尹家墩萬國玉文家墩文佐清等男婦凡數百人

王培英高臺七壩渠貢生同治四年肅州陷培英與諸生張興庠倡集鄉團以興庠子國均爲團長日訓練造火器軍容頗振賊至屢敗之十年十月逆回率大隊由黑泉堡撲至培英與興庠督衆守城令國均率壯丁出堡迎戰自辰至未賊益集國均發礮擊之賊幾潰倏援賊大至復協力來撲國均等力竭被執賊百計誘降不屈與弟文生煥采輝采文采國琇及培英弟文生培成武生培元培政培傑鑑青同罵賊死民勇戰歿者百餘人賊乘勝薄城下晝夜力攻穴地納火藥裂一城角培英與興庠令施槍迎擊賊不敢近旋用木石補其隙次日賊復至偵知援軍因河水暴漲不能渡攻愈力從城隅圯處入培英負重傷興庠力戰不支皆死之民

甘肅新通志

卷七十一

人物志 忠節二

八十七

人王重清張興煥公開選葛在泗張春茂張國士張國體劉祿葛滋祿等均禦賊陣亡堡內男婦死者計三千一百餘人

胡廷謨高臺人逆回白彥虎率衆圍城廷謨手執石塊擊斃數賊賊從村畔小莊暗發一槍中額立斃同時胡成哇子亦被傷陣亡武生張忠信高臺人與文生石蘊輝從九譚文炳武生李如嶽率勇八百餘人來肅助戰會邊山戶勇千餘人盡歸營弁路林統領與賊戰於小沙渠大敗忠信蘊輝力竭死之戶勇死者千餘人賀兆喜高臺鎮夷堡人由行伍派征髮匪獎六品藍翎凱旋歸營老病居家同治間軍興饑饉兆喜種麥望收適三月間大霜麥苗胥凍死無以爲生或勸其行丐以自給兆喜曰大丈夫不遇時蹈東海而死可也豈可以口腹累人哉旋投河死里人憐其窮集貲瘞之

安西直隸州

晉索 泮敦煌人呂光擊涼州殺梁熙郡縣皆降獨酒泉西郡宋皓索泮不下光攻執之責泮不降泮曰將軍受詔平西域不受詔亂涼州梁公何罪而將軍殺之泮力不足不能報讐主滅臣死固其宜也光殺之其弟菱與泮同遇害

國朝張義鶴安西營外委嘉慶四年出征川陝每戰必先人或勸其自重鶴曰大丈夫食君之祿馬革裹屍所以報也豈能老死牖下乎卒戰死於沔縣官家莊子倫承襲雲騎尉世職

張 倫義鶴子也襲父職署安西營千總並署喀什噶爾屯田守備逆回變倫率隊擊賊於明月落地方力竭被執罵賊不屈求速死賊婉語誘降罵益厲賊釘倫於壁而燃烈火於其下凡八日而死子守仁襲騎都尉世職

甘肅新通志

卷七十一

人物志 忠節三

八十八

張守仁倫子也襲父職補涼州三眼井都司道光二十年派赴喀什噶爾屯防行至葉爾羌遇叛回守仁率隊擊賊奮不顧身矢報父仇凱旋後以功陞西甯鎮標左營遊擊署甘州營參將咸豐三年江南髮逆猖狂奉派出征臨行其母爲之櫛髮求置銅絲於髮中母異而詢之泣對曰吾家世世忠貞今復出征萬里正用命報國之秋倘能立功生還重侍慈闈固所願也萬一力不逮當以死繼之髮中置此使後日有所辨也揮淚而別慷慨就道即於是年十一月在義徵縣力戰陣亡事 聞給雲騎尉世職子繩祖併襲騎都尉兼一雲騎尉世職歷任都司遊擊

趙含芳字子實安西黑水橋子人道光乙未舉人大挑知縣分發江西旋丁內艱主講淵泉晉昌各書院學者宗之服闋後養親訓子不欲出學專務力行以正己正人爲己任而又痛洋煙之流毒

中土也戒鄉人不得種食不遵者拔除之鄉里感化風俗丕變逆回之變安西境多糜爛而橋子堡捍禦有術得以獨全者含芳教之也含芳挈眷次酒泉賊虜至當道留辦城防含芳毅然任之同治四年肅州城陷含芳巷戰身亡妻子同時殉難事 聞入祀肅州昭忠祠

邵 霽田肅標把總署橋灣營都司同治二年河回叛霽奉委帶安西營精選馬步兵一百二十名星夜馳至迎戰所向有功四年陝回竄擾靜甯州圍州城霽奉調遣救援圍遂解四月初四日賊又攻州屬柴家堡霽鏖戰竟日殺賊無數及晚賊勢潮湧官兵疲憊外援不至霽雖受重傷猶挺身思鬪見賊勢盛急思退步被賊環圍生執亂刀砍至死百餘人俱陣亡當道聞其忠勇命尋獲其屍截髮辮寄歸備棺葬之並入靜甯州昭忠祠

甘肅新通志

卷七十一

人物志 忠節二

八十九

權文智字鏡堂安西協營千總同治六年署布隆吉爾營都司七年正月賊圍堡急文智出戰拒之率子姪權昌權沛權喜並兵民百餘人挺身迎戰以衆寡不敵勇潰堡隨陷文智被重傷十餘處而卒其子姪暨兵丁俱沒於陣

王 蘭安西州人肅州鎮標千總忠義性成善撫士卒同治七年署布隆吉爾營都司逆回西竄蘭率兵百人禦賊於三道溝身先士卒血戰終日殺賊甚衆賊見蘭軍甚單圍攻不退兵皆戰死蘭被執罵不絕口賊挖其目斷其臂問尙罵否蘭罵益厲賊拔其舌支解之事 聞入祀肅州昭忠祠子萬鈞襲雲騎尉世職

蔣善興肅標左營經制署布隆吉爾營千總同治八年十二月肅回竄至雙塔堡境劫掠騾馬焚燬民房善興謀救雙塔以自固遂率兵民二百餘人乘夜襲擊賊探知我兵單弱戰至天明兵飢力

疲火藥亦竭忽鉛子中興前胸即陣亡餘兵亂逃賊追殺之同時被難者經制張登榜額外晉進才把總平有等共二百餘人

馬 相由武舉官廣西梧州都司王耀官涼州鎮標前營守備何勝官赤金營經制外委俱安西人出征川楚陣亡相子中吉耀子應熊勝子殿元並世襲雲騎尉應熊後陞廣武營遊擊

尙文顯敦煌人由武舉入伍屢著戰功拔千總歷官守備同治間署安協營都司逆回圍攻哈密勢甚猖獗文顯帶隊前往救援至猩猩峽猝遇賊黨千餘人鏖戰久之力竭陣亡所帶三百兵同沒於陣事 聞賞給雲騎尉世職

尙安國文顯孫幼入伍襄辦文案同治十年 欽差景廉調赴新疆佐理幕務有戰事輒出奇制勝保花翎知縣未離營仍投升恭兩都統軍營襄贊戎機屢出奇謀戰績卓著光緒初年新疆底定

甘肅新通志

卷七十一

人物志 忠節二

九十

借補奇臺縣典史旋署巡檢沒於任

林 洸玉門人咸豐初由靖逆營騎隊從官軍捕南山野番番逆見大軍來各據洞誘之不出軍退輒出掠洸乃集衆議分軍數路設伏各隘番意大軍不復至出洞大掠忽號礮發伏兵羣起出洞者方交鋒而東西兩路已繞出其後圍洞口番進退失據各奪路竄擒其魁戮而梟之事平補左營經制同治元年逆回據張家川蓮花城與金積堡逆首馬化澂相犄角東道梗九月大吏檄肅州綠營兵往剿洸隨戰會賊大集死亂軍中事 聞議卹如例

郭良得玉門人由靖逆營步兵補經制同治元年陝回起隴東震動良得奉派出征五年五月補肅州鎮標左營把總領鎮西新中營馬隊時逆回馬四等據肅城官兵屢攻不克良得從大軍進剿然大礮轟城城角裂良得率隊乘隙攻城賊急以大石門扉掩其

缺知不可入欲退賊忽從北門傾巢出良得迎敵馬躡急棄馬步戰被戕事 聞議卹如例

宋義彰崔有瑞均玉門縣貢生並奉知縣于銓檄充團長和衷共濟頗有幹略同治四年安肅道恆齡以肅州勢危飭于銓同義彰有瑞赴肅幫辦防守事二月二十四日獵回叛殺嘉峪關守吏明日城中逆回突起遂陷肅城恆齡于銓暨義彰有瑞均力戰死事

聞議卹如例

生員丁啟昌玉門縣赤金峽人獵回方叛時並煽動赤金堡回同起爲亂堡遂陷肆意焚掠啟昌選村民矯健者百餘人赴援數戰殺賊十餘人賊恨甚持槍專伺啟昌中之洞胸死同時死者民人楊正張茂德以護倉廩被賊爭奪同遇害李天倫邱忠彰王啟泰張國興均於四年五月初一日與賊戰於黃澇溝敗績陣亡事

甘肅新通志

卷七十二

人物志 忠節二

九十一

聞均議卹如例

